

COMUNI DE CRABAS

Provincia de Aristanis

STATUTU COMUNALI

In arraspetu de su decretu legislativu 267/2000 T.U.E.L.

TITULU PRIMU

Principius generalis

1°- Sa Comunitadi Locali realizat s'Indiritzu Politicu tenendi presenti is leis de su Stadu e cussas de custu Statutu.

2°- In arraspetu de sa Costituzioni e tenendi presentis is funtzionis chi sa Lei permitit, coment'est scritu in s'art. 128 de sa Costituzioni, su Comuni nostu in paris cun totus is atrus Comunis de s'Italia, fait pati de sa Republica Italiana e est ordinau comentis de totus is atrus Comunis de Italia.

3°- Su Comuni nostu pigat dogna decisionis de acodriu cun sa Provincia, cun sa Regioni e cun is Entis Localis, sempiri in arraspetu scrupulosu de is Leis.

4°- Su Comuni osservat su Statutu, is Leis, decedit, amministrat, fait arraspetai is Leis e fait pagai is pagamentas sempiri tenendi presenti su Statutu e is Leis po fai pagai is pagamentas.

5°- Su Comuni est atentu a is cosas chi interessant de prus a sa popolazioni e cricat de fai su possibili po dda acumentai.

6°- Su Comuni si preocupat e cherit chi totu sa popolazioni, is fortzas socialis, economicas e sindacalis traballint in paris po acumentai totu sa biddu.

7°- Su Comuni si giat de ita fai in totu is maneras, poita su Stadu e sa genti comuni si gieant coidau po fai cresci e fai istai mellus totu sa biddu.

8°- Su Comuni tenit s'incarrigu de is doveris suos e cussus chi at arriciu e chi depit fai, osservendi sa Lei de su Stadu e de sa Regioni po chi totu siat fatu in su modu prus giustu.

9°- Su Comuni s'ocupat de sa biddu agiudendi is chi traballant de bidea insoru o de cuncuna sociedadadi.

10°- Totu su chi fait sa genti comuni, o chi rapresentat su Stadu, depit essi fatu arrispetendi totu cantus is Leis.

11°- Custu Statutu stabilit:

1.Is Leis prus precisas po s'Ordinamentu e s'Organizatzioni de su Comuni de Crabas, in arraspetu de su Decretu Legislativu 18.08.2000 n.267 T.U.E.L.

2.Specificat is atributzionis de is ofitzius, is modus de garantzia e de partecipazioni de is minoranzas, is principius generalis po s'ordinamentu de is ofitzius e de is servitzius, is modus de sa partecipazioni de su populu, is modus de su decentramentu e de su modu comenti sa genti si poit informai e poit cannosci is procedimentus amministrativus.

12°- Custu Statutu est aprovau e cambiau in arraspetu de s'art. 6, 4° e 5° comma de su Decretu Legislativu 267/2000 T.U.E.L. Intrat in vigori trinta diis a pustis de essi steti espostu in s'Albu Pretoriu de su Comuni, a pustis de essi steti controllau de s'organu cumpetenti de sa Regioni, de essi steti publicau in su BURAS Sardegna e de essi steti mandau a su Ministeru de s'Internu, po essi postu in paris cun totu is Statutus de is Comunis de sa Republica.

PARTI PRIMA

Is Comunitatis

Articulu unu

Is biddas de Crabas e de Soanas

1°- Me in is biddas de Crabas e de Soanas bivint is ominis e is feminas chi ddui funtis nascius o poita ddui ant biviu is magioris insoru o poita liberamenti ant crefiu adiaici; motivus culturalis, economicus e socialis ddus teninti unius a su logu innui bivint e po is proprius motivus abarrant in paris cun is atrus abitantis de is biddas insoru. Totus si potant beni e s'agiudant pari-pari.

Articulu duus

Is abitantis de sa bidde de Crabas e de sa bidde de Soanas

1°- Unu abitanti pedit su diritu de fai pati de sa bidde sua sceti chi issu atotu decidit de si nchi andai. Is diritus e is obligus chi dognunu tenit poita fait pati de sa bidde durant e benint a cessai sceti chi po Lei, po cuncunu motivu meda gravi, est obligau a si nchi andai de sa bidde sua.

Articulu tres
Apartenentzia de sa bidda de Crabas e de Soanas
Sa Limba Sadra

1°- Is biddas de Crabas e de Soanas faint pati de su Populu Sadru. Is chi ddui bivint fueddant e scriint me in Italianu e me in Sadru.

2°- Su Sadru est patrimoniù de is duas biddas e tenit sa dignidadi sociali de s'Italianu.

3°- Is Crabarissus e is Soanesus si point srebii de su Sadru candu depint tratai cun s'Amministratzioni e cun is Istitutzionis Comunalis.

Articulu cuatru
Is principius de sa Comunitadi

1°- Is gentis de is biddas chi ddui funtis in Sardigna fintzas de is tempus prus antigus, funtis cussas chi ant pigau is usanzas de su logu e chi ant batallau po sa libertadi e sa giustitzia de is abitantis; custas comunitadis bivint in paris de su traballu de dognunu de issus, funtis liberus, ugualis tra issus e s'arrispetant comentis de frais.

PARTI SEGUNDA
SU COMUNI

Articulu cinqu
Su Comuni

1°- Crabas e Soanas in paris faint pati de su Comuni de Crabas; custu Enti curat is interessus e su sviluppu de su Comuni comentis est precisau de fai e tenendi a menti su chi cherint is Crabarissus e is Soanesus.

2°- Su Comuni est unu Enti chi non dependit de nisciunu; fait is cosas segundu su Statutu e rapresentat is abitantis de Crabas e Soanas in sa Republica Italiana e in sa Regioni Autonoma de sa Sardigna.

Su Comuni traballat tenendi presenti su de fai po sa Comunitadi Europea.

Articulu ses

In cai limba funtis scritus is Atus Comunalis

1°- Is atus chi tenint importanzia giuridica in s'ordinamentu de sa Repubblica Italiana e is atus amministrativus de cumpetentzia de su Comuni depint essi scritus in Italianu. Totus cussus atus point essi tradusius in Sadru.

2°- Me in is riunionis fatas in paris cun is ofitzius de su Comuni cun compitus amministrativus, is membrus de is diversus grupus chi faint pati de s'Amministratzioni de su Comuni, point fueddai in Sadru me in is discussionis, ma is verbalis depint potai scritu in brevi ma in modu craru su chi ant decidiu me in Italianu.

S'articulu ses in atrus fueddus.

1°- Su Comuni aplicat mei n is cunfrontus de sa minorantza linguistica sadra, is dispositzionis chi funtis scritas in sa Lei 15 de Nadai 1999 n° 482.

2°- Is Regolamentus po su personali giaint dispositzionis po chi si potzat fueddai in Sadru, arraspetendi sa Lei.

Articulu seti

Su Logu

1°- Su Comuni de Crabas ocupat sa pati de su logu de sa Sardigna delimitada de su Tianu Topograficu chi s'agatat in s'art.9 de sa Lei 24 Nadai 1954, n°1288, aprovau de s'Istitutu Centrali de Statistica.

2°- Faint pati de su logu de su Comuni de Crabas s'Isua de Cambiona (de pagu dd'ant giau unu atru nomini: il Catalano) e s'isua de Mar'e Frenti (de pagu dd'ant giau su nomini de s'Isua de Malu Entu).

3°- Is cambiamentus de su logu de su Comuni si faint cun sa Lei Regionali comentu stabilit s'art. 45 de su Statutu Sadru.

4°- Su Comuni poit fai atras operas publicas in su logu de unu atru Comuni o lassai fai operas publicas a unu atru Comuni in su logu suu, a pustis de s'est postu de acodriu cun iss'atru Comuni.

Articulu otu
Is Nominis de is Addas e de is Arrugas

1°- Su Comuni poit lassai comentis funtis, o poit cambiai, is nominis de is addas e de is arrugas tenendi presentis is nominis antigus comentis is abitantis ddus ant cannotus de is maioris insoru, arragodaus po iscritu o arragodaus a boghi.

2°- Acostau de is nominis de is arrugas, de is otonius, de is pratzas e de is addas scritus in lingua italiana depint essi scritus is nominis in Sadru.

3°- Me in is certifficus is nominis de is arrugas, de is otonius e de is pratzas depint essi scritus me in Italianu e in Sadru.

4°- Is nominis de is arrugas, de is pratzas e de is otonius point essi cambiaus cun atrus nominis, sceti a pustis chi siant passaus degghi annus de candu funtis steti postus, cun is nominis chi si cherint cambiai.

5°- Degghi annus a pustis fatu su cambiamentu de is nominis me in is certifficus depint essi scritus is nominis nous e, a su costau, is nominis chi ddui fiant primu.

6°- A is abitantis chi bivint in sa biddu o chi faint atividadis chi bisongiat de pagai is pagamentas, me in is arrugas innui funtis steti cambiaus is nominis, depit essi giu “de ofitziu” su certifficu chi cumprovat su cambiamentu de su nomini de s'arruga.

Articulu noi
Sa Domu – Su Stemma – Su Gonfaloni

1°- Sa domu legali de su Comuni est su poatzu comunali de Crabas, in praza Eleonora de Arborea n° 1, innui si riunint is chi guvernant sa biddu. Giau mai is riunioni si faint in atru logu, si non po cosas precisas.

2°- Su stemma e su gonfaloni de Crabas funtis steti arriconnotus de su Presidenti de sa Republica su 31.01.1992 e funtis steti postus in su “Libro Araldico degli Enti Locali” su 28.05.1992, descritus comentis podeis legi in su “Statuto Comunale del Comune di Cabras” in Limba Italiana.

3°- Sa pandera de su Comuni me in is cerimonia officialis est su gonfaloni innui est figurau, e chi si biat beni, su stemma. Su gonfaloni depit essi acumpangiau sempri de su Sindigu o de unu Assessori.

4°- No point essi riprodusius ni usaus po lei is simbulus de su gonfaloni po funtzionis chi non siant de sa istitutzioni.

5°- Sa Giunta poit autorizai sa riprodutzioni e s'usu de su stemma comunali po cosas chi non funtis de sa istitutzioni ma chi interessant is crabarissus e i soanesus.

Articulu degi Doveris de su Comuni

A- Su Comuni rapresentat e fait is interessus de is abitantis de is duas biddas e s'ingnat po fai cresci e chi cambit in mellus sa cultura, s'economia e s'agiudu cun is abitantis.

B- Assigurat sa partecipazioni de is crabarissus e de is soanesus, a sous o totus in paris, a is decisionis politicas chi su Comuni depit pigai.

C- Si giat de fai po fai cresci e canosci sa Cultura Sadra e de is usanzas chi is duas biddas ant ereditau de is magioris insoru, me in is diversas espressionis.

D- Cricat de fai in modu chi su diritu a sa saludi siat assigurau, s'ingnat po fai in modu chi s'ambienti e su logu innui si traballat sianta sanus, agiudat is feminas chi aspetant unu fillu e totus is pipius.

E- Si giat de fai in modu chi me in is biddas ddui siat unu servitziu de assistentzia sociali po agiudai is antzianus, is pitius, is invalidus chi non point traballai e is chi traballant in cunditionis chi non funtis seguras.

F- Favoressit sa pratica de sa religioni e de is cosas de s'anima.

G- Cuntrollat cun impegnu su logu, su paesagiu, is monumentus e dogna opera de scultura, de architettura de valori e is benis archeologicus e fait de totu po fai apretziai sempri de prus a sa genti custas operas.

H- Fait in modu chi si bivat sempri mellus e chi ddui siant cunditionis economicas e socialis chi favoessant totus.

I- Fait is cosas in modu de fai kannosci, apretziai e fai cresci is antigus modus de fai po s'agiudai pari-pari chi sa genti de Crabas e de Soanas ant sempri praticau.

J- Fait in modu chi totus is abitantis de is duas biddas cunsiderint su traballu unu diritu e unu doveri de apretziai.

K- Favoressit s'istitutzioni de sa cumpagnia de is barracellus o atras istituzionis chi potzant controllai su logu e fait in modu chi sa genti s'intendat sempri prus sigura.

L- Favoressit is proostas economicas publicas e privadas mancai cun modus de si poni in paris economicus e de cooperatzioni.

M- Fait in modu chi ddui siant cunditionis chi permitant de garantii ugualis oportunitadadis, in dogna logu, po is feminas e po is ominis.

N- Trabbalat arraspetendi is cumpetentzias de is atras Amministratzionis Publicas, tenendi a menti su chi poit spendi e srebendisì de sa programatzioni fata diretamenti o po mesu de is istituzionis suas o in paris cun is atrus Entis Publicus o privaus, sempri arraspetendi is Leis e custu Statutu.

O- Incoragiat e favoressit su sport chi si fait po divertimentu e su turismu sociali e de sa gioventudi.

P- Su Comuni poit interвени in favori de totus is abitantis de is duas biddas, in cai si siat logu s'agatint.

TITULU SEGUNDU Comenti est fatu su Comuni

Articulu undighi Ofitzius de su Comuni

1)- Is Ofitzius de su Comuni funtis: su Contzillu, sa Giunta e su Sindigu.

Articulu doighi

Su Contzillu

- 1)- Su Contzillu Comunali rapresentat totu sa biddu e cun issa fait totu po da fai cresci e fintzas is modus po traballai in paris is sogetus publicus e privaus discutendi e decidendi in paris.
- 2)- Su Contzillu Comunali est cussu chi decidit is cosas de fai controllendiddas politicamenti chi siant fatas beni; fait su chi sa Lei narat de fai, s'elezioni de is Contzilleris, cantu durat su Contzillu, comentis est fatu e su chi poit fai.
- 3)- Su Contzillu Comunali tenit unu Presidenti chi ddu dirigit e ddu cunvocat; issu est steti eligiu in mesu de is Contzilleris in sa prima riunione de su Contzillu.
- 4)- Candu amancat su Presidenti, pigat su postu de issu su Contzillu prus antzianu.
- 5)- Candu si fait funtzionai po sa prima bta custu ordinamentu sa votazioni po fai su Presidenti de su Contzillu, si fait in sa riunione chi si fait a pustis.
- 6)- Sa elezioni de su Contzillu Comunali, cantu depit durai, su numeru de is Contzilleris e sa posizioni insoru est stabilia de sa Lei. Comentis depit funtzionai su Contzillu, comentis est scritu in custu ordinamentu, est decidiu de unu Regolamentu aprovau a magioranza assoluta de is Contzilleris, chi narat: comentis depit essi cunvocau su Contzillu, comentis si depint presentai e discuti is propositas e su numeru de is Contzilleris chi depint essi in Contzillu po chi custu siat balidu e in dogna modu non depint essi prus pagu de unu terzu, chentza de contai su Sindigu.
- 7)- Custu Regolamentu depit nai comentis giai a su Contzillu su chi ddi s'erebit, is cosas, su dinai, po ddu fai funtzionai in paris a is Contzilleris, fatas comentis narat sa Lei.

Articulu treighi

Membrus de su Contzillu

Funtis membrus de su Contzillu su Presidenti, is grupus de is Contzilleris, is Comissionis Contzillaris e sa Cunferentza de is Capus dei Grupus.

Articulu batodighi
Su Presidenti de su Contzillu

- 1)- Su Presidenti de su Contzillu Comunali est sceberau in mesu a is Contzilleris, bogau su Sindigu, cun unu numeru de votus de 2/3 in sa prima votatzioni e cun sa metadi prus unu Contzilleri in sa segunda.
- 2)- Sa eletzioni de su Presidenti est sa prima cosa chi depit fai su Contzillu a pustis de is votatzionis e de ai cunfirmar is Contzilleris.
- 3)- Po ndi pigai s'incarrigu a su Presidenti bisongiat chi ddu siat una proposta seria de 1/3 de is Contzilleris; sa votatzioni po ndi pigai s'incarrigu depit tenni unu votu a favori de 2/3 de su Contzillu.
- 4)- Su Presidenti de su Contzillu fait totu su chi est scritu po s'incarrigu de issu, segundu is Leis de su Statutu e de su Regolamentu de su Contzillu.
- 5)- Su Presidenti de su Contzillu tzerriat su Contzillu totu is botas chi ddu narat sa Lei, su Statutu e is Regolamentus e candu ddu narat su Sindigu, si est possibili sa dii chi at nau su Sindigu o in totu is modus non prus tradu de 20 diis, e depint chistionai de is cosas ordinadas de su Sindigu.

Articulu bindighi
Contzilleris Comunalis

- 1)- Is Contzilleris Comunalis intrant in carriga candu funtis aclamaus, invecis candu unu depit intrai a su postu de unu atru, intrat a pustis chi ddu decidit su Contzillu.
- 2)- Is Contzilleris si point poni in paria po is ideas politicas e po dognunu de custus unu rapresentanti poit arrelatai cun is atrus e cun s'Amministratzioni Comunalis.
- 3)- Su Contzilleri antzianu est cussu chi at pigau prus votus po issu chentza de contai is votus de sa lista.
- 4)- Is Contzilleris tenint s'obligu de andai a is riunionis de su Contzillu Comunali e de traballai cun is Comissionis de is grupus insoru.

- 5)- Dogna Contzilleri depit sceberai innui bivi in su logu de su Comuni.
- 6)- Is riunionis de su Contzillu e de is Comissionis si faint anantis de totus, bogadas cussas chi non cherit su Regolamentu.
- 7)- Is Contzilleris Comunalis, chi chentza de arragioni giusta pauna, non andant a tres riunionis de sighiu, benint bogaus de Contzilleris, si non narant poita non funtis potzius andai a is riunionis. Su Contzilleri benit bogau de pati de su Contzillu Comunali.
- 8)- Is Contzilleris durant finzas a candu non benint is nous, fendi sceti, a pustis chi si sciit candu funtis is eletzionis noas, is cosas urgentis e chi non point fai de mancu de fai.
- 9)- Is ofitzius de su Comuni, de is Entis e de is Aziendas e is ofitzius chi de issu dipendint, depint giai a is Contzilleris e a is membrus de is Comissionis totus is documentus e is informatzionis chi cherint, chentza de cuai nudda, si non funtis proibius de sa Lei.
- 10)- Is dimissionis de unu Contzilleri depint essi mandadas a su Contzillu e in su momentu benint scritas in su protocollu de su Comuni e sa dii chi funtis stetias giadas. Non si poit prus torrai acoa. Su Contzillu in degghi diis e non de prus, depit cambiai is Contzilleris chi si nchi funtis andaus, a unu a unu, comentis arrisultat de sa dii chi ant fatu domanda de si nchi andai. Non si poit poni unu a su postu de s'atru, mancai ddu nerada sa Lei, candu si depit sciolti su Contzillu Comunali. Art.141 de su D.Lgs. 267/2000 T.U.E.L.
- 11)- Su Comuni, po assigurai is diritus de issu, giat agiudu a is Contzilleris, a is Assessoris e a su Sindigu si funtis processaus in tribunali, si funtis tzerrius po fatus chi dipendint de is cosas chi ant fatu fendi su doveri insoru, in dogna gradu de giuditziu, si non ddu est interessu personali cun su Comuni.
- 12)- Si su processu penali est agabau cun s'assolutzioni completa, su Comuni torrat su dinai spendiu po sa difesa, in totus is gradus de giuditziu.
- 13)- Is Contzilleris, is Assessoris e su Sindigu depint essi rimborsaus de su Comuni, ma custu poit a pustis domandai su dinai a is responsabilis, po dogna dannu chi tenint poita funtis Amministradoris, e me in is dannus fatus a is personas o a is cosas de pati de atrus, mancai non si siant potzius cannosci, fatus po atus amministrativus e po ddus fai timi po is cosas chi ant fatu o chi depint fai.
- 14)- Su Comuni poit pagai is dannus fendi una assiguratzioni.

Articulu seighi
Grupus de su Contzillu

1)- Is Contzilleris si ponint in paris, aici commenti narat su Regolamentu de su Contzillu Comunali, ddu narant a su Sindigu e a su Segretariu comunali, nendi pura su nomini de su Capugrupu. Si custu non benit fatu is grupus funtis sceberaus me in is listas chi funtis stetias presentadas a is eletzionis e su capu grupu in mesu de is Contzilleris chi non funtis in sa Giunta e chi siant stetius is prus voutaus.

2)- Is Contzilleris point fai grupus chi non currispondint a is listas eletoralis innui funtis stetius voutaus.

Articulu degaseti
Sessionis de su Contzillu

1)- Su Contzillu Comunali traballat in riunionis ordinarias e straordinarias.

2)- Funtis ordinarias cussas riunionis de innui si fueddat de su chi si depit fai, de sa relatzioni de sa Giunta po su chi est stetiu fatu s'annu prima, po aprovai su bilanciu po s'annu chi benit, e sa relatzioni de is cosas de fai.

3)- Si a pustis de trinta diis de sa dii stabilia de sa Lei po aprovai su Bilanciu de Previsioni e sa Relatzioni Previsionali po is cosas de fai, su Comuni sighit a non ddu fai, su Contzillu Comunali nominat unu "Commissario ad Acta".

4)- Is riunionis ordinarias si depint cunvocai assumancus cincu diis prima de sa dii stabilia, cussas straordinarias tre diis prima. Candu ddui est urgentza su Contzillu Comunali poit essi cunvocau finzas 24 oras prima.

5)- Sa cunvocatzioni de su Contzillu cun iscritas is cosas de tratai est fata de su Presidenti de su Contzillu a sus de sa domanda de su Sindigu o de 1/5 de is Contzilleris; in custu modu sa riunioni si depit fai a intru de 20 diis e me in is cosas scritas de discuti si depit fueddai de is argumentus chi siant de cumpetenzia de su Contzillu.

6)- Nisciuna deliberatzioni balit si non benit fata in una riunioni balida, cun sa maggiorantza de cussus chi votant e in dogna modu cun d unu numeru de votus non prus pituu de 1/3 de is Contzilleris assignaus.

7)- In prus de is cosas previdias de sa Lei, ddui cherit su votu a favori a magiorantza assoluta de is Contzilleris po oteni prestidu po aprovai su bilanciù preventivu, po is spesas chi impegnant su dinai de su Comuni po prus de tres esercitzius, po aprovai su contu consuntivu, po is Regolamentus, po fai consortzius e po si poni in sociedadis.

8)- Is votatzionis si faint nendi comentis si votat; candu si depit discuti de personas is votatzionis funtis segretas.

9)- Cussus chi non votant non si contant po fai sa magiorantza; is schedas biancas, cussas chi non si legint e cussas chi non balint, si contant su propriu po fai sa magiorantza de is votantis.

10)- Po is nominas e po cussus sceberus comentis narat s'art. 42 de su D.Lgs. 267/2000, si decidit, si ddu narat sa Lei, su Statutu o su Regolamentu, su votu limitau, non tenendi contu de su chi disponit su comma 1°, su principiu de magiorantza relativa.

11)- Is rapresentantis de sa minorantza, in su numeru chi ddi tocat, funtis eligius is chi at nominau sa minorantza e is chi in sa votatzioni fata comentis narat su comma n° 10, funtis stetiis is prus voutas.

Articulu deghiotu Comissionis

1- Su Contzillu comunali poit fai, deliberendi, Comissionis chi durant sempiri, chi durant unu certu tempus o specialis, po controllai, po cannosci e po istudiai.

2- Custas Comissionis funtis fatas sceti de Contzilleris comunali segundu is votus pigaus.

3- Po scii comentis depint funtzionai, su chi point fai, cantu depint durai, tocat a fai unu regolamentu.

4- Po decidii de fai custas Comissionis bisongiat chi ddui siat sa magiorantza assoluta de is Contzilleris.

5- A chi fait pati de sa Comissioni ddi spetat una paga stabilia po is Contzilleris comunali.

6- Is Comissionis specialis fatas de su Contzillu comunali si giaint unu Presidenti sceberendeddu tra issus.

7- Is Comissionis, po fai funtzionai beni su Contzillu comunali, castiant e istudiant is propostas de su Contzillu atotu, de su Sindigu o de s'Assessori chi s'ocupat de su de discuti.

8- Is Comissionis, candu si ddu domandat, narant is bideas insoru a sa Giunta, a su Sindigu e a is Assessoris, mancai custus non siant obligaus a ddas fai; studiant e faint propostas candu funtis incarrigaus de su Contzillu.

9- Sa Presidentza de is Comissionis chi depint cuntrollai e garantii, funtis stetias fatas de sa minorantza. (Art.44 T.U.E.L. 267/2000).

10- Point essi cumbidaus a is traballus de is Comissionis Assessoris, funtzionarius, rapresentantis de is fortzas socialis, poiticas e economicas po discuti de cosas precisas.

11- Is chi cumandant is Ofitzius de su Comuni e is aziendas chi de issu dipendint funtis obligaus a giai a is Comissionis totu is informatzionis chi cherint

12- Is riunionis de is Comissionis funtis fatas ananti de sa genti, si su regolamentu non narada su contrariu.

13- Candu totu sa Comissioni at aprovau is cosas de fai, e si mancu unu capugrupu ndi cherit chistionai, su Contzillu comunali decidit senza de ndi discuti e ascutendi sceti su chi narant prima de votai.

Articulu degannoi Sa Giunta Comunali

1- Sa Giunta est cunvocada de su Sindigu chi dda cumandat, dda fait funtzionai, agiudada de is Assessoris in su traballu po fai is cosas decidias de su Contzillu e ndi proponit atras de fai a su Contzillu atotu.

2- Sa cunvocatzioni poit essi fata cun litera scritta, po telefonu e po telegrama e si poit cunsiderai cunvocada regolarmente candu est presenti sa maggiorantza de cussus chi dda cumponint.

3- Po chi sa riunioni siat balida bisongiat chi ddui siat sa metadi de is componentis assinniaus, contendi su Sindigu puru.

4- Is decisionis funtis pigadas a magiorantza assoluta de is votantis, candu is votus funtis paris balit de prus cussu de su Sindigu o de chi, segundu sa Lei, cumandat sa runioni.

5- Tenint diritu de fai propositas scritas a sa Giunta:

- Su Sindigu
- Is Assessoris
- Su Segretariu comunali
- Su Responsabili de is Servitzius

6- A is riunionis de sa Giunta non ddui poit essi atra genti.

7- Is Responsabilis de is Servitzius, candu funtis tzerrius, depint abarrai a is riunionis de sa giunta po giai spiegatzionis e fueddai a sus de su chi est steti discuti.

8- Su Segretariu traballat cun sa Giunta e poit pigai decisionisin in manera chi su chi si fait arrispetit is leis, is statutus e is regolamentus e is cosas chi funtis cussas scritas me in su regolamentu po is Oftzius e po is Servitzius.

9- Su Segretariu cuntrollat chi is verbalissiant scritus beni, ddus firmat in paris a su Sindigu o cun chi at pigau su postu de issu.

10- A is riunionis de sa Giunta point essi cumbidaus, po arrelatai a sus de is cosas chi sciint de su traballu insoru: su Presidenti de su Collegiu de is Revisoris de is Contus, is Rapresentantis de su Comuni me in is Aziendas, Istituzionis e Comissionis.

11- Sa Giunta poit nai ca no balint, ascutau su chi ndi pentzat su Segretariu, sceti po vitzius de lei, is provedimentus pigaus de is Responsabilis de is Servitzius candu ddu est unu interessu cun sa popolatziuni. Funtis balidus is provedimentus pigaus de is Responsabilis subordinaus, a mancu chi non nerat su contrariu su Diretori Generali o a mancu chi is provedimentus non siant stetius impuniaus po lei e siat steti presentau ricursu a su Presidenti de sa Republica.

Articulu binti

Deliberatzioni de urgentza de sa Giunta Comunali

1- Sa Giunta comunali poit, candu ddu est urgentza, e cun sa responsabilidadi de issa atotu, pigai decisionis a sus de is variatzionis de su bilanci.

2- Cundu custa urgentza est depia a fatus nous e chi siant suntzedius a pustis de s'ultima runioni de su Contzillu, depit essi tali de non si poi cunvoca subitu su Contzillu.

3- Is deliberatzionis pigadas depint essi sutapostas a s'aprovatzioni de su Contzillu comunali a intru de is sessanta diis chi s'ghint, chi no no balint.

4- Su Contzillu comunali candu negat sa blididadi o cambit sa deliberatzioni de sa Giunta comunali, pigat is provedimentus chi s'rebint po salvai is raportus giuridicus chi funtis potzius nasci fendi is deliberatzionis chi non fiant balidas o chi funtis stetias cambiadas.

5- Is deliberatzionis a sus de is variatzionis de su bilanciù pigadas de sa Giunta comunali me in is utimas 60 diis de s'annu funtis po fortza mandadas a su CO.CI.CO. (cassato).

Articulu bintunu

Comenti est fata sa Giunta comunali

1- Sa Giunta Comunali est fata de su Sindigu, chi est su Presidenti, e de unu numeru de Assessoris chi non depit essi prus mannu de 6, de custus unu vice-sindigu, sceberau de su Sindigu in mesu de is Contzilleris e atrus, non prus de duus, chi non faint pati de su Contzillu.

2- Is Assessoris chi non faint pati de su Contzillu funtis a sa pari de custus e cun totu'is diritus de is Assessoris de su Contzillu, point andai a is riunionis, tenint diritu de podi chistionai de fai propositas in su Contzillu comunali, e si benint tzerrius tenint su doveri de andai a is traballus de su Contzillu e de is Comissionis.

3- Is Assessoris chi non faint pati de su Contzillu depint teni sa possibilidadi de essi votaus e de podi fai is Contzilleris comunalis, depint essi genti stimada, chi scipiant is cosas e depint kannosci comentis si fait su traballu de Assessori.

4- A is Assessoris chi non funtis Contzilleris si ponint is regulas po is aspetativas, is permissus, is indennidadis comentis si fait po is amministradoris comunalis.

5- S'Assessori chi non est Contzilleri poit fai totu is cosas chi dependint de s'incarrigu cun totu su chi ddi spetat, is diritus e is incumbenzias de s'incarrigu. Andat a is riunionis de sa Giunta Comunali cun totu is diritus, fintzada cussu de votai, comentis spetat a totu is Assessoris. Ddi point giai incarrigus e atras cosas de fai. Andat a is riunionis de su Contzillu

Comunali, poit leggi e fueddai ma non poit votai, su fatu chi andit a is riunionis de su Contzillu Comunali non balit po fai su numeru chi srebit po is Contzilleris presentis.

6- Non point fai pati, in su propriu momentu, de sa giunta comunali sa pobidda o su pobiddu de unu Contzilleri e nimancus parentis, ne arentzia fintzada a su quartu gradu de parentela.

7- Est sa lei chi narat comentis si votat e coment'est su stadu giuridicu de is Assessoris.

8- Comentis depit funtzionari e comentis si depit organizari sa Giunta ddu narat su regolamentu aprovau de su Contzillu Comunali.

Articulu bintiduu

Is Assessoris

1- Is Assessoris point cun is bideas insoru e cun su votu, fai triballai beni totu sa Giunta.

2- Faint, si funtis incarrigaus de su Sindigu, totu su chi srebit po fai funtzionari is Ofitzius e is Servitzius e cuntrollant chi si fetzant is atus chi funtis steti deliberaus e cun issus is atus de su stadu.

3- Is incarrigus e is doveris naus prima podint essi cambiaus in dogna momentu cun decisioni motivada de su Sindigu.

4- Is incarrigus, is cambiamentus e su ndi pigai is incarrigus e is delegas depint essi naus de su Sindigu a su Contzillu comunali in sa prima riunione balida de custu.

Articulu bintitres

Cumpetentzias

1- Sa Giunta agiudat su Sindigu po governari su Comuni. Fait totu is atus chi po sa lei o po su chi est scritu in custu Statutu no siant de cumpetentzia de su Contzillu, de su Sindigu, de su Segretariu Comunali, de su Diretori e de is Responsabilis de is servitzius comunalis.

2- Is chi funtis in sa Giunta decidint totus in paris in modu chi si fetzant is cosas decidias in su Contzillu e narant a is Contzilleris propositas po cosas de fai. (art.48 T.U.267/2000)-

3- Sa Giunta fendi su chi depit fai po triballai beni:

- a) proponit a su Contzillu is regolamentus;
- b) aprovat is progetus, is programas esecutivus e totus is provedimentus chi non potant spesa a sus de su Bilanciu e chi non siant lassaus de sa lei o de su regolamentu de sa contabilidadi a is responsabilis de is servitzius comunalis.
- c) giat ideas po indirtzai is cosas de fai;
- d) fait propositas e fait movi e collegai in paris is ufizius de decentramentu e de partecipazioni;
- e) discutit e proponit a su Contzillu comenti calculai is pagamenti comunalis;
- f) incarrigat is chi faint pati de is Comissionis po is cuncursus publicus, ascutendi su chi narat su responsabili de su servitziu;
- g) proponit a su Contzillu su de fai po incarrigai is personas chi depint rapresentai su Comuni me in is Entis, me in is Aziendas e me in is Istituzionis a intru de 45 diis de candu at pigau s'incarrigu. Si non benit fatu a intru de custu tempus sighint a bali cussus chi giat esistint;
- h) proponit arregulas po giat sussidius e agiudus in dinai, contributus de dogna arratza a Entis o a personas;
- i) aprovat is regolamentus po fai funtzionai is Ufizius e is Servitzius;
- j) fissat sa dii po cunvocai is comitzius po is Referendum e fait s'Ufiziu po fai is votazionis;
- k) fissat, comenti narant is regolamentus, e is acodrius decentraus, is strumentus e is incarrigus de traballu, po podi misurai su traballu de is Ufizius, a pustis de ai ascutau su chi narat su diretori generali;
- l) fissat, ascutaus is Revisoris de is Contus e cussus chi depint misurai su traballu, is modus po kannosci comenti si traballat a intru de su Comuni;
- m) aprovat su P.E.G. candu ddu narat su Diretori Generali.

Articulu binticuatu

Su Sindigu

1- Su Sindigu est eligiu de sa popolazioni de totu sa bidde comenti narat sa lei e fait pati de su Contzillu Comunali.

2- Est su chi cumandat su governu de sa bidde. Fait totu is funtzionis chi sa lei ddi giat, cussas de custu statutu e de is regolamentus e depit fai pura cussas de su Stadu o de sa Regioni chi est obligau a fai o legitimau a fai.

3- Su Sindigu arrispondit politicamenti de su chi fait a su Contzillu Comunali.

Articulu binticincu
Giuramentu e distintivu

1- Su Sindigu chi est steti votau e eligi giurat a innantis de su Contzillu in sa riunioni chi si fait a pustis, de arrisèpetai cun fidi sa Costituzioni italiana, comenti narant is articulus 91 e 93 de sa Costituzioni.

2- Distintivu de su Sindigu est sa fascia tricolori cun su stema de sa Republica e cussu de su Comuni, de potai a banduliera.

Articulu bintises
Cumpetenzias de su Sindigu

1- Su Sindigu comenti cumponenti de s'amministratzioni tenit sa raresentantzia generali de s'Enti, poit fai causas a innantis de sa giustitzia e poit essi pati issu atotu, a pustis chi sa Giunta ddi gaiat su permissu. Su Sindigu poit incarrigai po calculai is pagamentas su responsabili de su Servitziu.

2- Issu tenit e dirigit totu s'atividadi politica amministrativa de su Comuni.

3- Nominat is Assessoris e sceberat in mesu de issus su Vicesindigu e ddu narat a su Contzillu in sa prima riunioni chi faint a pustis de essi steti eligius.

4- Ponit imparis e apreta su traballu de dogna Assessori.

5- Cuncodrat cun is Assessoris interessaus is cosas de nai a sa genti chi interessant su Comuni.

6- Pigat e fait propositas, imparis cun s'Assessori interessau, po fai acodrius a sus de is cosas de fai, cun is sogetus publicus prevedius de sa Lei.

7- Poit suspendi chi si pighint provedimentus a sus de su traballu de dogna Assessori e Contzilleri po ddus fai castiai de sa Giunta, chi depit nai su chi pentzat a intru de ses diis de sa dii de sa suspensioni.

8- Ndi poit pigai s'incarrigu a unu o prus Assessoris, ma depit gai spigatzionis a su Contzillu. Sa discussioni a sus de su chi at fatu su Sindigu no si ponit a is votus de su Contzillu; su cambiu de s'Assessori chi s'est dimitiu o de cussu chi ndi nd'ant pigau

s'incarrigu, depit suntzedi a intru de bindighi diis de sa dii chi su Sindigu nd'at pigau s'incarrigu o de sa dii chi s'Assessori at presentau is dimissionis.

9- Narat is bideas suas e pigat impennius cun s'Assessori cumpetenti po fai in modu chi is Ofitzius, is Servitzius, is Aziendas specialis, is Istitutzionis e is Societatis chi funtis de su Comuni fetzant su doveri insoru segundu su chi at nau su Contzillu e tenendi presentis is racumandatziunis de sa Giunta.

10- Poit nominai, inditai o bogai is rapresentantis de su Comuni me in is Entis, me in is Aziendas e Istitutzionis a intru de 45 diis de sa dii chi est steti nominau su Contzillu.

11- Giait s'incarrigu de Segretariu Comunali sceberendeddu me in s'elencu fatu amposta e ddi poit giai pura s'incarrigu de Diretori Generali.

12- Ndi poit pigai s'incarrigu a su Segretariu Comunali e a su Diretori Generali.

13- Nominat is responsabilis de is Ofitzius e de is Servitzius giendi is incarrigus de dirigenti e cussus de agiudu de pati de atras personas, segundu su chi disponit s'articulu 51 de sa lei 142/90 e is cambiamentus fatus a pustis.

14- Poit nominai responsabilis de is Servitzius dipendentis de su Comuni pigaus a tempus determinau, o atras personas chi tengiant unu raportu de acodriu cun su Comuni.

15- Cunvocat is comitzius po is Referendum consultivus.

16- Fait ordinanzas precisas po su tempus chi durat s'urgentzia.

17- Fait cuntrollus a sus de is traballus de su Diretori Generali e de is Responsabilis de is Ofitzius a sus de comenti funtzionant is Servitzius Comunalis.

18- Giait ordinis a su Segretariu comunali po fai funtzionai beni s'amministratzioni de s'Ofitziu e comenti fai is atus.

19- Presentat a intru de su tempus de 60 diis a pustis de sa prima riunioni de su Contzillu e a pustis de ai ascutau sa Giunta, is bideas chi tenit a sus de su chi cherit fai in su tempus chi est Sindigu.

20- Cuntrollat chi si fetzant is funtzionis de su Stadu e de sa Regioni, giadas o delegadas a su Comuni.

21- Si ponit de acordiu e torrat a organizai, comenti narant is dispositzionis giadas de su Contzillu comunali e si ddui funtis cussas giadas de sa Regioni e a pustis de ai ascutau is categorias interessadas, is orarius de is butegas e de totus is atrus negotzius e de is servitzius publicus e comenti si siat, cun s'acodriu de is responsabilis cumpetentis, po su logu de s'amministratzioni interessada, is orarius de aberri a sa genti is Ofitzius publicus chi ddui funtis in sa bidida, fendi in modu de acumentai a totus.

22- Pigat informatzionis e cuntrollat atus, mancai siant riservaus, me in is Ofitzius comunali e me in is Aziendas specialis, istitutzionis e sociedadis chi faint pati de s'Enti, e fait cun su Segretariu comunali e cun su Diretori generali, cuntrollus a sus de su traballu de su Comunie fendi atus po mantenni is diritus de su Comuni.

23- Stabilit is cosas de discuti me in is riunionis de sa Giunta e proponit a su Presidenti de su Contzillu cussas de discuti in su Contzillu comunali.

24- Disponit sa dii chi si depit riunii sa giunta, est issu su Presidenti de costa e arregulat is discussionis a sus de is legas propostas de issu atotu e de dogna Assessori.

25- Poit giai, in totu o in pati, is cumpetenzias suas a sus de cosas precisas a is Assessoris chi kannoscin is argumentus e a is Responsabilis de is Servitzius, a pustis de ai informau su Contzillu comunali.

Articulu bintiseti

Su Vicesindigu

1- Su Vicesindigu est inditau de su Sindigu fra is Assessoris candu nominat sa Giunta.

2- Fait sa pati de su Sindigu candu custu non ddui est o no poit benni po unu certu tempus, o candu po sa lei non ddu poit fai prus, comenti narat s'art. 15 comma 4bis de sa lei 55/90 e is cambiamentus fatus a pustis.

3- Candu su Vicesindigu non ddui est pigat sa pati sua s'Assessori prus antzianu.

Articulu bintotu

Doveris de su Sindigu me in is Servitzius de cumpetentzia de su Stadu

1- Su Sindigu comenti de Ufficiali de su Governu depit dirigi e cuntrollai:

a- tenni a postu is regitrsus de su stadu civili e de sa popolatzioni, depit fai is obligus chi sa lei narat po is eletzionis, po sa leva militari e po sa statistica;

b- depit fai totu su chi narat sa lei e is regolamentus po cantu s'rebit po sa siguresa e s'ordini publicu, sa saludi e sa pulitzia de su logu;

c- depit fai is funtzionis chi ddi at giau sa lei, po sa siguresa publica e de politzia giudiziaria.;

d- depit cadebai a sus de totu cussu chi potzat interessai sa siguresa e s'ordini publicu, e fendi scii totu a su Prefetu.

2- Su Sindigu, comenti de Ufficiali de su Guvernu, pigat cun atu motivau e in arraspetu de su chi narat s'ordinamentu giuridicu, provedimentus pretzisus e urgentis, po su tempus chi durant, po sa saludi de sa popolatzioni, po sa pulitzia de su logu e po s'ordini publicu, totu custu po fai in modu chi sa genti siat tranquilla e segura. Po fai su chi est steti nau, su Sindigu poit domandai a su Prefetu, s'agiudu de sa Fortza Publica.

2bis- In casu de abisongiu po traficcu meda o po s'aria pagu sana o po meda brudellu o candu po fatus straordinarius suntzedint abisongius pretzisus de pati de sa popolatzioni, su Sindigu poit cambiai is orarius de is butegas e de is servitzius publicus e ponendis de acodriu cun is atras amministratzionis interessadas, is orarius de aberri a sa genti is Ofitzius publicus postus in su Comuni, fendi su chi narat su comma 2.

3- Si s'ordinantza pigada, comenti narat su comma 2, est po personas stabilias e custas no faint su chi narat su cumandu giau, su Sindigu pigat de Uffitziu is spesas de issu, chentza de pregiuditziu po s'atzioni penali po is crupas de issu.

4- Chi pigat su postu de su Sindigu fait fintzas is cosas scritas in custu articulu.

5- Tenendi presenti su chi narat custu articulu, su Prefetu poit disponi ispetzionis po s'assigurai de su giustu funtzionamentu de is servitzius, e poit fintzas pigai numerus e noas chi interessant atrus servitzius.

6- Candu su Sindigu o su chi est a su postu suu no cumprit is doveris de custu articulu, su Prefetu poit incarrigai unu Cumissariu po fai su chi depit essi fatu.

7- Po is spesas po pagai su Cumissariu ddui pentzat su Comuni.

8- Candu su Sindigu no pigat is provedimentus de su comma 2, ddui pentzat su Prefetu atotu.

TITULU TERTZU

Comenti est ordinau su Comuni po s'Amministratzioni

PARTI PRIMA

Organus burocraticus

Articulu bintinoi

S'Amministratzioni Comunali

1- Is chi amministrant su Comuni depint arribai a fai:

a- comentis si depit triballai po fai su chi s'est decidiu me in is programis e is progetus;

b- cricant de bii comentis est su triballu chi faint e comentis du faint is chi traballant in su Comuni;

c- bisongiat de cannosci sa responsabilidadi chi dognunu tenit in su traballu chi fait;

d- cherint chi is impiegatus no cunsiderint de totu separadas is cumpetentzias tra issus me in su traballu chi faint, chi siat arripetada e giada sa possibilidadi de poi cambiai traballu e ofitziu e cherint puru chi is impiegatus s'agiudint pari pari.

Articulu trinta

Comentis funtis organizaus is ofitzius e is impiegatus chi ddui traballant

1- Su Comuni cun atus fatus amposta stabilit is cosas chi srebint a is impiegatus e tenendi presentis is leis de custu statutu, narat puru comentis funtis giatus is compitus a is impiegatus, tenendi presentis sa distinzioni chi ddui depit essi tra funtzioni politica e de cuntrollu chi est de su Contzillu comunali, de su Sindigu, de sa Giunta e comentis amministrati su Comuni giadas a su Diretori Generali e a is responsabilis de is Ofitzius e de is Servitzius.

2- Is ofitzius funtis stabilius tenendi presentis ca depint essi autonomus, su traballu depit essi beni fatu e in su tempus giustu, totu depit funtzionai beni e in modu craru, si depit triballai chentza de spreco de su dinai de su Stadu e is impiegatus point passai de unu traballu a unu atru.

3- Is impiegatus de is Servitzius e de is Ofitzius faint dogna cosa a pustis de ai biu su chi cherit sa genti e traballant fendi su chi srebit a sa popolatzioni, giendi atentzioni a fai is cosas cun arripramiu.

4- Is orarius de is Servitzius abetus a sa genti benint stabilius tenendi presentis cussus chi andant prus beni a sa popolatzioni.

Articulu trintunu

Comenti funtis arregolaus is Ofitzius e is Servitzius

1- Su Comuni stabilit cun arregulas de organizazioni generali su funtzionamentu de is ofitzius e is doveris e is responsabilis de dogna ofitziu, is raportus tra is ofitzius e is servitzius, e tra custus e su diretori e is impegas chi si ocupant de s'amministratzioni.

2- Is regolamentus s'ghint is principius, cussus chi is amministradoris depint teni po fai funtzionai politicas, diretivas e de cuntrollu, tenendi sa possibilidadi de decidi, chentza de obligu de nisciunus, obietivus e arragionis de s'atzioni amministrativa, in dogna traballu e de ndi podi cuntrollai su chi si depit fai; a su diretori e a is responsabilis de is servitzius spetat, po arribai a is obietivus giaus, su traballu de stabillii comentis ant fissau is amministradoris, totus is strumentus operativus e de sa gestioni amministrativa tecnica e contabili, segundu is principius de cumpetentzia e responsabilitadi.

3- Su Comuni arricit e arripetat is acodrius nazzionalis aprovaus comentis de leis e protegitt sa libera organizazioni sindacali de is impegas stabilendi po iscritu cun is rapresentantis sindacalis is acodrius colletivus decentraus segundu is leis chi regulant is cuntratus.

Articulu trintaduu

Diritus e doveris de is impegas comunalis

1- Is impegas comunalis postus me in is logus chi spetant a dognumu segundu sa lei e ordinaus segundu is qualificas de is funtzionis chi faint, segundu su chi est stabiliu de su stadiu giuridicu e de su tratamentu economicu, in arraspetu de is acodrius nazzionalis po totus, traballant a servitziu e me in s'interessu de sa popolatzioni.

2- Dogna impiegau depit cumprii scrupolosamenti e prontamenti is doveris de cumpetentzia de s'ofitziu e de su servitziu innui traballat e, in arraspetu de is cumpetentzias de is ruolus e de s'incarrigu chi ddi est steti giau, depit arribai a is obietivus chi ddi ant cumandau. Issu, poi, est diretamenti responsabili me in is riguardus de su diretori, de su responsabili de is Ofitzius e de is Servitzius e a innantis de s'amministratzioni, de su chi at fatu e de is risultaus chi at otenniu.

3- Su Comuni si g'iait de fai po assicurari s'aggiornamentu e sa calidadi professionali de is impegas; si preocupat e fait in modu chi is cunditionis de traballu no fetzant dannu a sa saludi insoru e assicurat sa libertadi de is diritus sindacalis insoru.

4- Spetat a su personali responsabili de dogna ofitziu e de is diversus servitzius de aprovai su ruolu de is pagamentas e de is afitus e fintzad'in rapresentantza de su Comuni, is cuntratus chi funtis stetius aprovaus tempus innantis.

5- Dogna impiegau responsabili, comentu est steti nau prima, giat is autorizazioniis comercialis, cussas de politzia amministrativa, cussas de is cuncessionis po fabricai e de totu cussas chi no funtis pretzisas e totu cussas chi no spetant a su Sindigu po lei o po regolamentu.

6- Po regolamentu de s'organizazioni totus is chi funtis in su Comuni, depint cricai modus po ddu fai funtzionai.

PARTI SEGUNDA

Su Personali Diretivu

Articulu trintatres

Su Diretori Generali

1- Su Sindigu, a pustis chi sa Giunta Comunali at deliberau, poit nominai unu Diretori Generali, unu chi non appartenit a nisciunu ofitziu de su Comuni e cun unu cuntratu a tempus determinau, segundu su chi narat su regolamentu de organizazioni de su Comuni.

Articulu trintaquatu

Su chi depit fai su Diretori Generali

1- Su Diretori Generali si giat de fai po chi siant fatus is inditus e is obietivus stabilius de is organus de governu de su Comuni, segundu is inditus chi ddi giat su Sindigu.

2- Su Sindigu cuntrollat totus is chi traballant in su Comuni, poita cherit chi is responsabilis de is ofitzius e de is servitzius, traballint beni poita depint arrispondi de su chi faint.

3- S'incarrigu durat cantu durat s'incarrigu de su Sindigu, chi poit fai cessai s'incarrigu de su Diretori a pustis chi sa Giunta comunali at deliberau aici poita su Diretori no est arranesciu a fai cussu chi aiant stabiliu de fai o candu su Diretori e sa Giunta no funtis prus de acodriu in su modu de amministrari su Comuni o candu si presentat cunucunu atru motivu gravi.

4- Candu no est stetia stabilia sa delibera po su servitziu de Diretori Generali, cussas funtzionis point essi giadas de su Sindigu a su Segretariu comunali.

Articulu trintacincu
Funtzionis de su Diretori Generali

1- Su Diretori Generali preparat sa proposta po is cosas de fai po amministrai su Comuni e de su de fai po arribai a is obietivus chi is leis de sa contabilidadi si proponint, cunsiderendi beni totus is aspetus de issus e tenendi presentis is inditus giaus de su Sindigu e de sa Giunta comunali.

2- Custas funtis, a una a una, is funtzionis chi depit fai su Diretori:

a- preparat, segundu su chi at nau su Sindigu, is programas de is cosas de organizai e de fai, is relatzionis e is studius particularis;

b- organizat e dirigit is impiegaus segundu is inditus stabilus de su Sindigu e de sa Giunta;

c- cuntrollat su traballu fatu me in is ofitzius e de is impiegaus chi ddui traballant;

d- disponit is interventus disciplinaris de pigai po is impiegaus de is ofitzius e de is servitzius e decidit is punitzionis de giai segundu su chi stabilit s'arregolamentu scritu me in is contratus colletivus de traballu.

e- autorizat is traballus foras de su Comuni, cussus straordinarius, is congedus e is permissus de is impiegaus me in is servitzius;

f- bogat is atus po fai cussas deliberatzionis chi no funtis de cumpetentzia de su Sindigu o de is responsabilis de is servitzius;

g- s'ocupat de is trasferimentus de is impiegaus, chi point passai de unu servitziu a unu atru;

h- dogn'annu torrat a cuuntrollai, a pustis de ai intendiu is responsabilis de dogna ofitziu, comenti est organizau su Comuni e torrat a castiai prus comenti funtis organizaus e comenti funtis distribuius is impiegaus, fendi presenti a sa Giunta e a su Sindigu is provedimentus chi s'iant a depi pigai;

i- decidit e s'incarrigat de fai is cosas de cumpetentzia de is responsabilis de is servitzius, a su postu de issus, candu issus no ddui funtis o amancant po unu pagu de tempus, a pustis chi su servitziu cumpetenti at castiau beni is cosas chi ddui funtis de fai.

Articulu trintases
Is responsabilis de is Ofitzius e de is Servitzius

1- Is Responsabilis de is Ofitzius e de is Servitzius funtis sceberaus in su regulamentu organicu de su personali.

2- Is Responsabilis organizant is Ofitzius e is Servitzius giaus a issus, segundu is inditus chi ant arriciu de su Diretori Generali si est steti nominau, o puru de su Segretariu o de su chi ant dispostu su Sindigu e sa Giunta Comunali.

3- Issus, in arraspetu de is cumpetenzias chi ddis ant giâu, s'ocupant de indirizai e de sighii s'atividadi de su Comuni e cricant de arribai a fai is cosas chi su Diretori, si est steti nominau, su Sindigu e sa Giunta comunali cherint chi siant fatas.

Articulu trintaseti

Compitus chi spetant a is responsabilis de is Ofitzius e de is Servitzius

1- Is responsabilis de is Ofitzius e de is Servitzius scriint comentis de rapresentantis de su Comuni is cuntratus fatos, aprovant is ruolos de is pagamentas e de is afitus, dirigint is apaltus de is cuncursus e curant sa gestiuni finanziaria; si pigant sa responsabilitadi de is spensas chi depint essi fatas e faint is praticas po is prestidus.

2- Issus giaint is autorizazioniis e is concessionis e i prus:

a- funtis is presidentis me in is cumissionis de gara e de cuncursu, si pigant sa responsabilitadi de comentis fai andai is cosas, faint a sa giunta is nominis de is atrus membrus de nominai;

b- cuntzedint is atestazioniis e is certificaus;

c- scriint is avisus, is verbalis, is difidas e dogna atru atu chi cuntenit giuditzius e conoscentzas comentis is bandus de is garas e is avisus de publicazioniis de is strumentus po operai chi tenit sa bidde;

d- autenticant is certificaus;

e- publicant is ordinanzas po fai sciarrocai is fabricaus abusivus e istant atentus fintzas a candu no funtis sciarrocaus;

f- scriint e mandant is ordinanzas chi imponint is su pagamentu de is cuntriventionis po is mancanzas fatas contra a s'amministratziuni e stabilint is pagamentas in prus de fai pagai, segundu su inditu giâu de su Sindigu (CASSATO);

g- scriint is atras ordinanzas chi depint essi scritas segundu is leis o su regolamentu, ma no iscrint cussas de s'art. 50 comma 5 de su D.Lgs. 267/2000 TUEL;

h- decidit comentis de apretzetai is impiegaus a cumprii dogna traballu, arrispetendi is principiis de sa lei e de su regolamentu;

i- ponint pressi a is impiegaus in modu chi fetzant drebbessi is cosas chi decidint sa Giunta e su Contzillu e ponint pressi pura po chi fetzant is cumandus de su Sindigu e de su Diretori;

j- giaint a su Diretori, in su tempus stabiliu de su regolamentu de sa contabilitadi, is inditus po preparai is propostas de su Pianu Esecutivu de Gestioni;

k- autorizant is oras de traballu chi no funtis scritas in su cuntratu, is diis de pausa, is arrecuperus, is incarrigus de is impiegaus segundu is inditus de su Diretori e de su Sindigu;

l- cuntzedint is licenzias a is obietoris de cuscentzia in servitziu in su Comuni;

m- narant a su Diretori Generali poita no funtis arranescius a fai su chi depiant fai e poita no ddui funtis arribaus.

3- Su Sindigu poit giai a chi cumandat me in is Ofitzius e is Servitzius, atrus incarrigus chi no funtis scritus in su Statutu e me in is regolamentus, giendi is inditus precisus po ddui fai beni.

PARTI TERTZA

Principius struturalis e organizativus

Articulu trintotu

Comenti est s'organizazioni de is Ofitzius e de is impiegaus

1- Su Comuni, in arraspetu de is arregulas fissadas de su TUEL D.Lgs. 267/2000 e de is cambiamentus fatus a pustis, poit cambiai su numeru de is impiegaus e fintzas comenti fai triballai su personali tenendi presenti sa propria autnomia normativa e organizativa, tenendi contu de sa disponibilitadi de su bilanci e de su chi s'rebit po fai is funtzionis, de is servitzius e de is cosas chi tenint s'obligu de fai. In s'organizazioni e gestioni de su personali, su Comuni depit teni contu de su chi narat su cuntratu colletivu de traballu;

2- su Comuni cuntrollat cun arregulas fatas amposta, comenti narat custu statutu, s'ordinamentu de totu is ofitzius e servitzius;

3- Cumpetit a is responsabilis de is servitzius de dirigi is ofitzius segunda is regulas postas de sa lei, de su Statutu e de is Regolamentus chi si conformant a su principiu chi narat ca chi depit indirizai e cuntrollai speta a is organus eletivus, invece su traballu aministrativu est giäu a is responsabilis. Funtis giaus a issus totu is doveris po fai is cosas e is programmas chi funtis stetius fatus cun atus pigaus de sa pati politica, e tra cussus:

a- sa presidentza de is comissionis, de is garas e de is cuncursus;

b- sa responsabilidadi me in is modus de fai is apaltus e is cuncursus;

c- su sterrimentu de is cuntratus;

d- is atus de gestioni finantziaria e po pigai impegnus de ispesa;

e- is atus aministrativus e de gestioni de su personali;

f- is provedimentus de autorizazioni, de cuncessioni o de cosas aici, custas point essi giadas a pustis de ai fatu accertamentus e cuntrollus, sempri arrispetendi su chi narat sa lei e is regolamentus;

g- totus is provedimentus po frimai is traballus, is sciuseduras po fai torrai is cosas comenti fiant, chi funtis de competentzia de su Comuni, fintzas su poteri de cuntrollu edilitziu e de podi ponni cuntraventionis impostas de is leis de su Stadu o de sa Regioni po impedi chi si fetzant costruzioni chi no si pont fai e chi si cambit su paesagiu de su logu;

h- is atestazioni, is certificaus, is comunicazioni, is intimadas verbalis, autenticazioni, legalizazioni e dogna atru atu chi siat espressioni de giuditziu e de conoscentza;

i- is atus a issu giaus de pati de custu Statutu e de is Regolamentus o, comenti narant custus delegaus de su Sindigu.

4- Is responsabilis de is Servitzius arrispondint diretamenti a s'Enti de is cosas chi depint fai, de comenti ddas faint e si funtis fatas beni;

5- Is postus chi spetant a is responsabilis de is servitzius e de is Ofitzius si point giai cun cuntratu a tempus stabiliu;

6- Su regulamentu a sus de s'ordinamentu de is Ofitzius e de is Servitzius ponit is limitis, is fundamentus cun chi point essi sterrius foras de is postus stabilius, a tempus stabilius po is responsabilis e po is specializazioni prus importantis;

7- Po is cosas stabilias e cun acodrius a tempus ddui funtis agiudus de atrus chi funtis prus studiaus, cun sa possibilitadi de giai responsabilidadi de servitziu.

Articulu trintanoi.

Su Segretariu Comunali. Principius e regulas de su traballu suu.

Su Segretariu Comunali po podi ottene is obiettivus e fai is programas de s'amministratzioni in arraspetu de is inditus de su Sindigu, est s'organismu burocraticu chi fait traballus de agiudu, funtzioni de assistentzia giuridica amministrativa me in is cunfrontus de su Comuni, funtzioni de agiudu, de giai contzillus giustus, de triballai in paris, de cuntrollu e de cumandu e garantzia po assegurai su bonu andamentu de su Comuni e fait in modu de no fai pratzialidadi ma chi is regulas ballant po totus.

Articulu coranta.

Su chi depit fai.

1- A su Segretariu Comunali spetat s'incumbentzia de fai atus po su traballu de fai in su Comuni, chi point balli pura po is atividadi fatas foras, chi no depint essi votaus de sa

Giunta e chi no siant giai cuntemplaus de sa Lei, de su Statutu o de is Regolamentus Comunalis giaus a sa Giunta o a is Responsabilis de is Ofitzius e de is Servitzius;

2- A su Segretariu atotu point essi giaus, comenti narat s'Art. 97 de su D.Lgs.267/2000 T.U.E.L. e segundu is arregulas scritas in su Regolamentu po su funtzionamentu de is Ofitzius e de is Servitzius, atras cosas de fai, po fai funtzionai is Ofitzius, comenti de traballus consultivus, de sovrintendentzia, de coordinamentu, de legalidadi e garantzia e precisamenti:

a- fai su traballu de Diretori Generali po incarrigu giau de su Sindigu, comenti narat s'Art.108 comma 4 de su D.Lgs. 267/2000;

b; fai unu programma de traballu comenti narat s'Art. 97 de su D.Lgs.267/2000, po fai is cosas giendi su dinai a is Responsabilis de is Ofitzius e de is Servitzius comenti narat s'Art. 177 de su Decretu de sa Lei 169; 267/2000;

c- is cosas de fai, is relatzionis, is progetus po sistemai beni totu, comenti narant is direttivas arricias de is organus eletivus;

d- s'organizazioni de su personali, su dinai chi s'rebit po giai a is organus eletivus po fai totu is cosas pentzadas e decidias de pati de issus atotu;

e- sa Presidentzia de is Comissionis po is Cuncursus cun s'agiudu de unu ufficiali segretariu e tenendi contu de is arregulas de su Cuncursu fissadas de su Comuni;

f- decidint e faint totu is atus chi point balli fintzas po is atividadis foras de su Comuni, po cussus chi ddis ant giau cumpetentzia;

g- cuntrollai s'efetu e sa balididadi de su traballu de is Ofitzius e de is impiegaus chi ddui traballant;

h- totu is atras funtzionis stabilias de pati de is regolamentus fatus de su Comuni.

3- Disponit, in cunformidadi a is arregulas, issu atotu o po mesu de incarrigus o de unu Servitziu fatu a posta, cumpudus aministrativus cun s'obietivu de cuntrollai su traballu de is Ofitzius po is progetus chi depiant fai in su tempus stabiliu;

4- Narat a su Sindigu su risultau de is cuntrollus chi at fatu e pigat, cun su Sindigu atotu, is provedimentus chi depit pigai;

5- Is regulamentus precisant sa posizioni e is incarrigus de su Segretariu Comunali po amministrari su Comuni e is strumentus chi tenit po fai su traballu;

6- Candu sa magiorantza simplici de su Contzillu Comunali o is Comissionis ddu praguntant, arrelatat a sus deis cuntrollus chi at fatu o narat is arragionis poita no at cuntrollau;

7- Andat a is riunionis de sa Giunta e de su Contzillu ddas annotat e ddas firmat in paris cun su Sindigu e su Presidenti de su Contzillu;

8- Poit andai a comissionis de istudiu e de traballu fatas de su Comuni e, si su Sindigu accunsentit, a cussas fatas de atrus. Issu (cassato) si si ddu domandant, giarit is bideas suas e fait apretziaduras po sa pati tecnica e de sa Lei, a su Contzillu, a sa Giunta, a is Assessoris e a is Contzilleris;

9- Cumandat s'Ofitsiu Comunali po is eletzionis, candu ddui funtis votatzionis popolaris e is referendum;

10- Arricit is dimissionis de su Sindigu, de is Assessoris o de is Contzilleris e fintzas is propostas po abolii is demandas po ndi pigai is incarrigus, po sfiducia;

11- Fait sa pati de su notaiu me in is cuntratus de su Comuni innui issu est pati interessada, candu no ddui siat bisongiu de su notaiu, autenticat is scrituras privadas, is atus unilateralis po s'interessu de su Comuni e fait dogna atra funtzioni chi ddi giarit su Statutu, o su Regolamentu o su Sindigu.

Articulu corantunu Responsabilidadi

1- Is Aministratoris e is dependentis de su Comuni depint rimborsai a su Comuni is dannus chi dipendint de is sballius fatus fendi su triballu insoru;

2- Su Sindigu, su Segretariu Comunali, su Responsabili de is Servitzius chi benint a conoscentzia de issus atotu o apustis de unu raportu chi depint fai is dependentis, de fatus chi cumportant responsabilidadi, comenti narat su primu comma, depint fai denuncia a su Procuradori de sa Corti de is Contus, amostendi totu su chi ant biu e ant scipiu po ndi bogai a foras is respnsabilidadi e po stabiliu is dannus;

3- Casu mai su dannu siat de imputai a su Segretariu Comunali o a unu Responsabili de su Servitziu, sa denuncia est fata de su Sindigu atotu.

Articulu corantaduus
Responsabilidadis contra a tertzus

1- Is Aministradoris, su Segretariu, su Diretori e is dependentis de su Comuni chi, fendi su traballu insoru e fendi is funtzionis chi depint fai comentis narat sa lei e is Regolamentus, faint a atrus po imboddiu o po crupa gravi dannus chi no funtis giustus, funtis obligaus a ddus pagai;

2- Candu est su Comuni chi at pagau su dannu fatu de s'amministratzioni o de su Segretariu o de su dipendenti, est de pati de custus chi si fait torrai su dinai;

3- Sa responsabilidadi personali de s'Aministradori, de su Segretariu, de su Diretori e de su dipendenti, chi apint violau is diritus de atras personas, abarrat siat chi si fetzant atus o atras operatzionis, siat candu si ndi funtis scarescius o ant stentau a fai is atus e is operatzionis chi s'Aministradori o su dipendenti depint fai poita obligaus de sa lei o de is regolamentus;

4- Candu sa violatzioni de su diritu dipendit de is atus o de is cosas fatas de is organus collegialis de su Comuni, funtis totus in paris responsabilis, su Presidenti e is membrus de su Collegiu chi ant fatu custas cosas sbaliadas. Sa responsabilidadi no balit po cussus chi apint fatu scii in su verbali ca no fiant de acordiu.

Articulu corantatres.
Responsabilidadis de is contabilis.

1- Su tesoreri e dogna atru contabili chi apit manigiau dinai de su Comuni o siat incarrigau de teni is benis comunalis, e cussu pura chi si pongiat in mesu, chentza chi nisciunus dd'apit aprovau, a manigiai dinai de su Comuni, depit giai contu de su chi at fatu e tenit is responsabilidadis stabiliadas de sa lei e de is Regolamentus;

TITULU QUARTU
IS ATIVIDADIS DE S'AMMINISTRATZIONI

Articulu corantacuatru
Is obietivus de s'atividadi amministrativa

1- Su Comuni indiriztat s'atividadi amministrativa chi sighit a is principis de democratzia, de fai in paris, de fai is cosas a craru, de fai beni, de efetu, cun arrisparmiu e cun semplicitadi me in is modus de fai;

2- Is organus istituzionalis de su Comuni e is dipendentis responsabilis de is Servitzius funtis obligaus a fai, a sus de is demandas de is personas interessadas, me in is maneras e me in is tempus postus de sa lei, de custu Statutu e de su Regolamentu po ddu fai funtzionai;

3- Su Comuni, po podi acumentai is apretus de sa popolatzioni, fait in totu is maneras is modus de partecipazioni chi funtis scritus in cust Statutu e fintzas cun atrus Comunis e cun sa Provincia.

Articulu corantacincu
Is Servitzius Publicus de su Comuni

1- Su Comuni poit scumintzai e sighii a fai funtzionai servitzius publicus chi srebint a fai nasci atividadis po su beni de sa genti e po fai cresci s'economia e su sviluppu civili de sa bidida;

2- Is servitzius de fai funtzionai cun is diritus de su Comuni, funtis stabilius de sa lei.

Articulu corantases
Maneras de fai funtzionai is Servitzius publicus

1- Su Contzillu Comunali poit decidi de fai e de fai funtzionai is servitzius publicus in custas maneras:

a- cun pagu spesa, candu, poita su servitziu est pituu o po su tipu de servitziu, no siat obligau a fai una azienda o una istituzione;

b- a giai su servitziu a atrus candu esistint arragionis tecnicas, de arrisparmiu o de oportunitadi sociali;

c- a ddus fai po mesu de una azienda speciali candu ddui cherit spesa meda e traballu po dda dirigi;

d- po mesu de una istituzioni, po fai is servitzius chentza chi ddui siat bisongiu de una impresa;

e- po mesu de una sociedadis po atzionis o a responsabilidadi limitada cun sa pati prus manna fata de dinai de su Stadu, candu est precisa, in basi a su tipu de servitziu chi depit giai, sa partecipazioni de atrus sogetus publicus e privaus;

f- po mesu de acordius de cunsortziu, acordius de trassa acunsentius de sa Lei.

2- Su Comuni poit pigai pati a sociedadis po atzionis, cun sa pati prus manna a capitali publicu po fai funtzionai is servitzius chi sa Lei no lassat sceti a su Comuni.

3- Su Comuni tenit diritu de nominai unu o prus amministradoris, dirigentis me in is sociedadis po atzionis e in cussas a responsabilidadi limitada me innui su Comuni tenit pati prus manna me in su capitali sociali. Su numeru de is Amministradoris, de is dirigentis, de is Sindigus e is incarrigus chi depint fai funtis, po dogna sociedadadi, stabilius me in s'atu fatu candu est stetia fat sa sociedadadi. Si cadebat e si fait su chi narat su Codici Civili me in s'Art.2458 e su chi narat s'art. 5 de sa Lei de su 23 de abrii 1982 n.154.

4- Su Comuni depit nominai unu o prus de unu amministradoris o Sindigus me in is organismus de amministratzioni e de cuntrollu de is sociedadis po atzionis o a responsabilidadi limitada innui custas participant cun minoridadi a su capitali de su Comuni atotu, segundu cantu narat s'art. 12 de sa Lei 23/12/1992 n.498 e s'atu de candu est stetia fat sa sociedadadi. Su Comuni depit nominai assumancus unu de is Contzilleris de su Contzillu de amministratzioni, si ddu faint, de su cumitau chi depit fai is cosas, e de su collegiu de is revisoris me in is sociedadis innui si point fai, comentu narat su D.Pr.16/09/1996 n.553 e segundu cantu narat s'art. 4 de sa Lei nominada prima e si ddui funtis atrus Entis Publicus, bisongiat de pretzii is rapresentantis de nominai comentu narant is atus po fai sa sociedadadi. Po custas nominas balit su chi narat s'art. 5 de sa Lei de su 23 de abrii 1982 n.154.

5- Su Comuni poit inditai a fai e poit issu atotu partecipai, mancai non diretamenti, a atividadis economicas collegadas a is finis istituzionalis de su Comuni atotu, srebendisì de is principius e de is strumentus de sa Lei normali.

6- Is poteris, bogau su referendum, chi custu Statutu riconoscit a sa genti in cunfrontu de is atus de su Comuni funtis allargaus fintzas a is atus de is aziendis specialis, de is istituzionis e de is sociedadis de capitalis cun sa pati prus manna publica.

Articulu corantaseti.

Aziendas specialis.

1- Su Comuni poit decidi de fai azienas specialis, chi tenint personalidadi giuridica, funtis autonomas in su funtzionamentu e me in s'impresa, e ndi aprovat su statutu;

2- Is azeindas specialis giaint a s'atividadi insoru criterius po fai is cosas craras, de efetu, de eficientzia e de economia tenint s'obligu de fai torrai is contus de cussu chi intrat cun su chi ndi bessit, innui ddui siant pura is trasferimentus;

3- Is servitzius chi spetant a is azienas point essi fatus fintzas foras de su Comuni, po mesu de cuntratus chi depint assegurai s'arrisparmiu e sa mellus calidadi de is servitzius.

Articulu corantotu.

Comenti funtis fatas is azienas specialis.

1- Su statutu de is azienas specialis regulat comentu funtis fatas, su funtzionamentu, is atividadis e is cuntrollus;

2- Faint pati de is azienas specialis su Contzillu de amministratzioni, su Presidenti, su Diretori e su Collegiu de revisioni.

3- Su Presidenti e is Amministradoris de is azienas specialis funtis nominaus de su Sindigu in mesu de is personas chi tenint is titulus po essi aligius a Contzilleris comunalis, chi tenint specialis cumpetenzias tecnicas o amministrativas po su chi ant studiau, po traballus fatus me in is azienas publicas o privadas o po incarrigus chi ant tentu;

4- Su Diretori est pigau po cuncursu publicu, bogau su chi narat su T.U. 2758/25; candu ddui funtis custas cunditionis si poit tzerriai diretamenti;

5- Su Contzillu Comunali depit fai sa nomina de su Collegiu de is Revisoris de is Contus, ponit su dinai chi s'rebit e stabilit is indiritzus e is finalidadis de s'amministratzioni de is azienas, innui ddui siant fintzas is criterius generalis po decidi su de pagai po gosai de is servitzius;

6- Su Contzillu Comunali aprovat pura is bilancius de s'annu e po meda annus, is programmas e su contu consuntivu de is azienas specialis e fait su cuntrollu a sus de su chi ant fatu;

7- Is amistradoris de is Aziendas specialis point essi bogaus de su traballu scetipo gravis mancanzas de sa Lei, po no scii traballai o po ai fatu cosas diversas arrispetu a su chi iat stabilis'amministratzioni e a is finalidadis aprovadas de su Contzillu Comunali.

Articulu corantanoi Is Istituzionis

1- Is Istituzionis funtis strumentus de su Comuni chentza de personalidadi giuridica, ma chi no point funtzionai autonomamenti;

2- Faint pati de is Istituzionis su Contzillu de amministratzioni, su Presidenti e su Diretori;

3- Custas personas funtis nominadas de su Sindigu chi ddus poit abolii poita no ant arrispetau sa Lei, poita no traballant beni o po ai traballau in modu diversu arrispetu a comentis iat stabilis' amministratzioni;

4- Su Contziullu Comunali stabilit su chi depint fai e innui depint arribai cun su traballu s'amministratzioni e is Istituzionis e stabilit puru is regulas po decidi su de fai pagai po su gosu de is benis o servitzius, aprovat is contus de s'annu e de is atrus annus, is cosas de fai e su contu consuntivu de is Istituzionis e fait su cuntrollu a sus de su traballu insoru;

5- Su Contzillu de amministratzioni potat a innantis sa Istituzioni decidendi in su tretu de is finalidadis e de is indirizus aprovaus de su Contzillu comunali e segundu is maneras de traballai scritas in su Regolamentou;

6- Su Regolamentou poit nai pura is modus comentis point partecipai sa genti o cussus chi si ndi srebint a fai funtzionai a cuntrollai is Istituzionis.

Articulu cincuenta Sociedadi Po Atzionis o a Responsabilidadi Limitada

1- Su Contzillu Comunali poit aprovai sa partecipazioni de su Comuni a Sociedadis po Atzionis o a Responsabilidadi Limitada po fai funtzionai is servitzius publicus, e a botas fintzas a sa costituzioni insoru;

2- Cundu si trata de servitzius publicus de importantzia manna sa partecipazioni de su Comuni, in paris a cussas de atrus Entis publicus, depit essi po forza prus manna;

3- S'atu de costituzioni, su statutu o sa compara de partis de atzionis depint essi aprovaus de su Contzillu Comunali e depit essi in dogna manera garantia sa rappresentividdi de is sogetus publicus me in s'amministratzioni;

4- Su Comuni sceberat is rappresentantis de issu tra cussus chi tenint connoscentzia tecnica e professionali e candu cuncurrit po is cosas de fai, craculat e tenit presentis is interessus de sa genti;

5- Is Contzilleris Comunalis point essi nominaus me in is Contzillus de amministratzioni de is Societatis Po Atzioni o a Responsabilitadi Limitada;

6- Su Sindigu, o unu de issu nominau, pigat pati a sa riunioni de is socius in rappresentanzia de su Comuni;

7- Su Contzillu Comunali depit cuntrollai dogna annu s'andamentu de sa Societadi Po Atzionis o a Responsabilitadi Limitada e depit castiai chi s'interessu de totu siat assegurau in modu giustu, fendi s'atividdi de pati de sa societadi atotu.

Articulu cincuantunu Cunventzionis

1- Su Contzillu Comunali, a sus de sa proposta de sa Giunta, decidit de fai cuntratus cun amministratzionis de su Stadu, atrus Entis Publicus o cun privaus a su scopu de giai in modu beni fatu is servitzius publicus;

2- Is acordius depint stabiliis is motivus, sa durada, is modus de tratai cun is Entis chi si ponint in paris, is raportus finantziarius insoru e is obligus e is garantzias de dognunu.

Articulu cincuantaduus Consortzius

1- Su Comuni poit partecipai a fai consortzius cun atrus Comunis po fai funtzionai in paris unu o prus servitziussegundu is arregulas chi balint po is aziendis specialis, si si point aplicai;

2- Po custu motivu su Contzillu Comunali aprovat, cun sa maggiorantza assoluta de is Contzilleris, unu acordiu a sus de su chi narat s'articulu de prima, in paris cun su statutu de su Consortziu;

3- In s'acordiu ddui depit essi s'obligu a carrigu de su Consortziu de depi giai a su Comuni is atus prus importantis chi depint essi publicaus cun manera comenti narat s'art. 57 de custu statutu;

4- Su Sindigu, o unu Contzilleri nominau de issu, fait pati de totu cussus chi funtis in su Cunsortziu e tenit responsabilidadi paris a sa pati chi ddi spetat fissada cun s'acordiu e de su statutu de su Consortziu.

Articulu cinquantes Acordius po is cosas de fai

1- Su Sindigu candu depit stabillii is cosas de fai, su chi ddui abisongiat po ddas fai in totu, su chi depit fai su Comuni cun is atrus sogetus publicus, tenendi presenti sa cumpetentzia prus manna chi su Comuni depit teni, po fai unu acordiu po assegurai chi is operas si fetzant beni, su tempus de stabilli po chi siant fatas, is modus, su dinai chi ddui cherit, e dogna atra cosa de fai;

2- S'acordiu po is cosas de fai depit essi aprovau de totu is Entis interessaus e si fait totus in paris, e in sa riunioni est aprovau custu acordiu comenti narat s'art. 34 D.Lgs. 267/00 de su 18/08/2000 T.U.E.L.

3- Chi s'acordiu est pigau cun Decretu de su Presidenti de sa Regioni e potit a cambiamentus de is strumentus urbanisticus, s'acordiu de su Sindigu, a su propriu, depit essi aprovau de su Contzillu Comunali a intru de 30 diis chi no non balit.

TITULU QUINTU

Diritu de podi castiai is documentus e de podi oteni informatzionis

Articulu cincuantacuatru

Diritu de podi castiai is documentus e de podi oteni informatzionis

1-Is regulas de custu Statutu giaint su diritu de podi castiai, pigai e cuntrollai, de pati de is Aministradoris e de sa Popolazioni, de totu is atus amministrativus pigaus de s'amministratzioni Comunali;

2- Is atus funtis cussus scritus in sa Lei 241/90 e is decretus pigaus a pustis, chi arregulant is maneras, comenti narat sa Lei, de podi castiai is documentus;

3- A castiai, a pigai e a cuntrollai bolit nai ca tocat a ligi, copiai totu o pati de is atus in copia uguali o is paperis chi funtis in paris cun issus;

4- Is impiegaus chi faint funtzionai is Ofitzius depint giai noas, acramentus, precisatzionis e inditus po is atus naus prima e a comenti funtis, po giai sa possibilidadi a dogna Contzilleri Comunali de podi fai in modu giustu s'incarrigu insoru.

Articulu cincuantacincu

Diritu de podi castiai e de oteni informatzionis de pati de is Contzilleris

1- Is Contzilleris Comunalis tenint diritu de podi intrai me in is Ofitzius e de podi castiai is atus nominaus prima, me in is orarius de traballu de is Ofitzius tenendi coidu chi su chi cherint si potzat fai cun s'abisongiu de assegurai chi si fetzat, chentza de istrubai su traballu de is impiegaus cun su publicu. Po acumentai is Contzilleris me in is diritus nominaus prima, su Segretariu, si si ddu domandant, mancai no siat po iscritu, giai dispositzionis a is Ofitzius po poni is atus a disositzioni de is Contzilleris. Custus funtis obligaus a giai inditaduras precisas po podi sceberai is documentus chi ant domandau;

2- Is atus e is documentus de su bilanciu de previsionis me in s'annu de cumpetentzia, e su contu consuntivu, in sa scuta de su tempus de sa publicatzioni e su depositu, si poit castiai, bastat chi su Contzilleri ddu domandit me in is Ofitzius. A su propriu modu si point castiai e domandai po is strumentus de sa programatzioni e de esecuzioni urbanistica, cumprendias is nlotizzationis, e fintzas dogna atru regolamentu comunali chi balit ancora;

3- Is Contzilleris Comunalis funtis responsabilis de su coidu e de comenti stugiant is atus e is documentus arricius po ddus cadebai, ddus depint torrai in su propriu stadu comenti ddus ant arricius in cunsigna e ant a essi tzerrius a ndi arrispondi, comenti narant is regulas, po dogna cambiamentu o imbroliu chi ant fatu a is atus matessius;

4- Su diritu de teni informatzionis est assicurau a is Contzilleris Comunalis fintzas cun strumentus informaticus. Is grupus contziliaris point intrai diretamenti, po castiai, po mesu de is video finalis, a sa banca dati de su sistema informaticu de su Comuni;

5- Is demandas po podi castiai, oteni informatzionis o po cannosci is provedimentus de is atus e de sa documentatzioni, chi depint castiai de pati de is Contzilleris Comunalis, no depint poni bullu, comentu narat s'art. 14 comma 1 de su D.P.R. 26.01.1972 n°642 tab. B.

Articulu cincuantases

Diritu de podi castiai is atus de pati de sa popolatzioni

1- Sa genti interessada tenit diritu de podi castiai is provedimentus pigaus de s'amministratzioni Comunali fendi domanda scritta, in paperi chentza de bullu, mandada a su Segretariu Comunali. Su Segretariu Comunali, de regula, a intru de trinta diis de sa dii chi at arriciu sa domanda, giat su permissu po poni a dispositzioni de sa genti is documentus pedius. Candu is demandas funtis meda e de impeditzu po su traballu de is Ofitzius, sa Giunta Comunali poit cambiari su numeru de is diis chi ddui cherint po giat a sa genti su chi at domandau, in dogna manera custu tempus no poit essi prus de sessanta diis de candu est stetia arricia sa domanda;

2- Candu is documentus pedius no benint giasa intru de su tempus nau prima, sa genti chi at fatu domanda poit arricuri a su Difensori Civicu;

3- Su modu de fai chi est steti nau in su comma 1, no si pigat po castiai is strumentus po sa programatzioni, po su traballu urbanisticu e pura po su contu consuntivu e is documentus chi funtis cun custu in su tempus chi passat de su depositu in su Comuni e candu ddus publicant segundu sa Lei, e po ddus podi castiai bastat a fai domanda a boghi.

Articulu cincuantaseti

Albu pretoriu

1- Su Comuni tenit unu albu pretoriu po publicai is deliberatzionis, is ordinanzas e is manifestus e is atus chi depint essi fatos cannosci a sa genti;

2- Su Segretariu Comunali est responsabilis de is publicatzionis e depit fai teni a posta unu registru po custas de pati de is missus comunalis chi funtis incarrigaus de ddas torrai a copiai;

3- Candu su Comuni at postu in s'Albu Pretoriu totus is documentus, agabant is cosas chi domandat sa Lei po fai cannosci is atus, candu no siat stabiliu in atru modu.

Articulu cincuantotu

Publicidadi in prus po fai cannoscu su chi fait su Comuni

1- Su Comuni favoressit sa connoscentzia de s'atividadi chi fait aciunghendi in prus publicidadi giai fissada, siat de istabilii in arragioni a s'importantzia de su chi narat e precisamenti fait sa publicidadi comenti narant is dispositzionis chi s'ghint;

2- Is atus chi tocant totu sa popolatzioni e sa cunvocatzioni de su Contzillu Comunali depint essi postus a s'albu pretoriu de su Comuni e me in logus sceberaus, me in is duas domus de su Comuni, in sa Biblioteca Comunali, in su Centru Sociali de Soanas e assumancus in 7 atrus localis (e assumancus unu de custus a Soanas), abetus po sa genti, bastit chi is meris ddu apant pediu a impreu po Comuni po poni is atus in custus localis preparaus a posta;

3- In dogna locali de innui ddui est unu Ofitziu Comunali, depint essi postus is atus de cussu servitziu chi faint;

4- Su Comuni s'at podi balli de sa radiu, de sa televisioni e de is giornalis po fai cannosci a totus is atividadis chi fait e po fai in manera chi sa bidde fetzat cannosci is bideas suas a s'amministratzioni.

Articulu cincuantanoi

Comenti fai cannosci e arrispetai is interessus e is diritus de sa genti

1- Me in s' albu pretoriu e in dognunu de is logus fissaus po fai cannosci is diritus e is interessus de sa popolatzioni, at a essi sempri postu unu avisu chi fait bii cramenti:

a- sa facultadi po is sogetus fetus de s'atu, de arricurri contru de custu s'ghendi su chi narat s'amministratzioni e sa Lei, nendi beni is modus de arricurri;

b- sa facultadi po dogna eletori sa fai bali a innantis de is giurisditzionis amministrativas is atzionis e is ricursus chi tocant a su Comuni;

c- sa facultadi de podi intrai me in is procedimentus amministrativus de su Comuni;

d- sa facultadi de podi domandai agiudu a su Difensori Civicu.

TITULU SESTU

Coment'est s'ordinamentu istituzionali de su Comuni

Articulu sessanta

Is doveris de is rapresentantis de su Comuni

- 1- Cussu chi, poita est steti eligiu o inditau de pati de su Comuni, fait traballus me in is Entis, me in is Organismus o me inis Istituzionis de calisiat natura, depit:
 - a- nai, po iscritu, dogna ses mesis, su chi ata fatu in su Contzillu Comunali;
 - b- traballai sighendi is inditus giaus de su Contzillu Comunali o de sa Giunta;
 - c- giai de pressi is informatzionis preguntadas de is Ofitzius Comunalis;
 - d- nai, apena si ddu domandant, su chi scit de dogna cosa chi potit periculu e dannu a is interessus de su Comuni o candu in cuncunu modu no ddi lassant fai su traballu.

Articulu sessantunu

Abolidura de is rapresentantis

- 1- Cussus chi no faint is doveris insoru, funtis abolius de su Contzillu Comunali cun votazioni segreta e a magiorantza assoluta de is cumponentis de su Contzillu, a pustis de ai presentau una proposta motivada e firmada de unu tertzu de is Contzilleris e intimau de pati de su missu comunali a is personas interessadas, giendi degghi diis de tempus po presentai is osservatzionis insoru;
- 2- S'abolidura poit essi fata po unu rapresentanti sceti o po totu sa delegazioni de su Comuni;
- 3- Casu mai sa proposta de abolidura siat fata po is rapresentantis inditau de sa magiorantza po fortza de sa Lei, Statutu o Regolamentu, sa proposta depit essi firmada de sa magiorantza assoluta de is cumponentis su grupu de magiorantza;
- 4- Casu mai sa proposta de abolidura tocht is rapresentantis inditau de saminoridadi in fortza de sa Lei, Statutu o Regolamentu, sa proposta depit essi firmada de sa magiorantza assoluta de is cumponentis is grupus de minoridadi.
- 5- Su Contzillu Comunali fait in custa riunioni atotu, si est pronta sa delibera de abolidura, su cambiamentu e ddu fait in sa prima riunioni, chi balit a pustis chi sa delibera est andada a innantis.

PARTI PRIMA

Istitutus de partecipazioni

Articulu sessantaduus

Comenti poit partecipai sa genti

1- Su Comuni fait in modu chi si fetzat deaderus una partecipazioni democratica de totu sa bidda e s'atividadis politica, amministrativa, economica e sociali de sa comunidadi. Biit po custu motivu, cun favori, dogna associazzioni chi cherit cuncurri cun metodu democraticu a is atividadis naas prima;

2- Point partecipai:

a- is associazzioni fatas po aprovai o po fai atividadis cultuuralis, sportivas, religiosas, socialis e po teni beni su logu;

b- is associazzioni de categoria, is ordinis e is collegius professionalis;

c- is cambaradas fatas po interвени in s'atividadis amministrativa de su Comuni, fatas assumancus de trecentus eletoris, chi narant de si poni in cambarada po interвени. Custa cambarada balit fintzas a candu no si fait unu Contzillu Comunali nou; si su grupu est fatu sceti de eletoris iscritus in sa setzioni de Soanas ndi bastant sceti cinquanta;

d- sceti is membrus de sa comunidadi e is personas giuridicas chi traballant in su territoriu de su Comuni.

Articulu sessantatres

Su chi point fai is associazzioni

1- Su Comuni favoressit chi si fetzant associazzioni po fai cresci sa partecipazioni de sa genti cun s'amministratzioni;

2- Po custu motivu fait su censimentu de is associazzioni chi giai esistint in su logu e poit disponi chi siant asseguradas a custas Associazzioni, fintzas in comodau, strumentus e servitzius in modu de podi fai e favoressi s'atividadis po podi partecipai;

3- Candu si fait s'aprovazioni de su Bilanciu, de su Pianu Urbanisticu Comunali e de is regolamentus de custus, si depit fai una riunioni a posta, innui ant a essi invitadas is associazzioni chi esistint in su logu.

Articulu sessantacuatu

Is organismus chi depint cuntrollai comenti fai is servitzius

- 1- Candu no siat giai nau de sa Lei, su Comuni poit fai po dogna servitziu chi fait, unu comitau po cuntrollai comenti est fatu, cun partecipazioni de sa maggiorantza de is utentis, e nendi cussus chi funtis is poteris de interventu (cassato), cuntrollu e de consultazioni;
- 2- Is Comitatus de cuntrollu de comenti funtis fatus is servitzius ant a depi relatai dogna annu a su Contzillu Comunali;

Articulu sessantacincu

Diritus de podi fai demandas scritas e de podi interrogai

- 1- Is sogetus de is partecipazioni point fai demandas scritas a su Contzillu Comunali po domandai provedimentus o po fai kannosci problemas e abisongius de sa genti o de categoria;
- 2- Sa domanda est scritta a s'O.d.G. De su Contzillu Comunali po sa prima riunioni chi si fait.
- 3- Is sogetus comunis de sa partecipazioni point fai a su Sindigu interrogatzionis scritas.
- 4- Sa risposta depit essi giada scritta a intru de trinta diis.

Articulu sessantases

Diritu de proposta

- 1- Sa proposta popolari po fai is regolamentus comunalis e is provedimentus amministrativus chi interessant a totus, si fait presentendi a su Contzillu Comunali propostas scritas in forma de disignu de deliberatzioni.
- 2- Sa domanda si fait presentendi sa proposta acumpangiada de trecentus firmas de is eletoris de su Comuni.
- 3- No si point fai propostas a sus de interventus de inditaduras e nominas.
- 4- Sa proposta est scritta me in is cosas de discuti de su Contzillu Comunali a intru de trinta diis de sa dii chi est stetia presentada e a sus de custa proposta bisongiat de giai unu votu definitivu a intru de is noranta diis chi benint.

Articulu sessantaseti

Diritu de riunioni

1- Su diritu de aprovai riunionis e acorradas diretamenti e in autonomia, appartenit a cussus chi rapresentant diversas categorias economicas e produtivas chi esistint in su logu e a totu is associatzionis chi faint is patis de sa popolatzioni e a is partidus politicus (CASSATO) chi funtis in su Contzillu Comunali.

2- Su Contzillu Comunali fait in modu chi custas riunionis si fetzant giendi, chentza de fai pagai, is localis e totu su chi s'rebit. Is regulas de arrispetai e comentu teni is localis depit essi deliberau prima, e si depint scii e precisai is atenzionis de giai cuntrollendi chi is localis siant sistemaus beni, chi sa genti no s'ingollat, e si ddui funtis meda demandas, bisongiat a stabillii a chi giai po primu is localis.

3- Su Sindigu, sa Giunta o su Contzillu Comunali point cunvocai riunionis de totu sa comunidadi o sceti po categorias o po is abitantis de unu logu precisu. I custas riunionis dognunu poit fueddai de is cosas de discuti.

Articulu sessantotu

Referendum

1- Su Referendum a sus de is cosas chi funtis sceti de cumpetentzia de su Comuni si poit fai po cuntrollai su raportu chi ddui est tra is disigiis chi crescint in sa Comunidadi e su chi faint is Aministradoris Comunalis, bogadas cussas po poni is pagamentas po su Comuni, tarifas e atividadis po aplicai is regulas de su Stadu e de sa Regioni;

2- Su Comuni favoressit chi si fetzant is Referendum, ma tenendi a contu su traballu de su Comuni chi depit essi assegurau a totu sa popolatzioni.

3- Si point fai sceti referendum po kannosci su chi ndi pentzat sa genti.

4- Is Referendum si faint candu ddus domandant:

a- secentus eletoris iscritus me in is listas eletoralis de su Comuni;

b- su Contzillu Comunali, assumancus 2/3 de is cumponentis.

5- Tenit diritu de votai po su Referendum totu sa Popolatzioni iscrita me in is listas eletoralis de su Comuni.

6- Si su Referendum si poit fai ddu decedit su Contzillu Comunali cun su votu a favori de sa magiorantza assoluta de is Contzilleris giaus a su Comuni; su Contzillu Comunali discutit e tratat a sus de is cosas de poni a Referendum, de comenti poni is chistionis, de comenti cuntrollai si is domandas po fai su Referendum funtis giustas e si funtis giustas is firmas presentadas.

7- Su Referendum no si poit fai candu est cumbinau cun atras votatzionis, ma comenti si siat no si depit fai prus a tradu de ses mesis de candu est stetiù amitiu. Prus de unu Referendum Comunali poit essi stabiliu in su propriu tempus. Su Referendum a sus de is proprias chistionis no si poit torrai a fai prima chi siant passaus tres annus.

Articolou sessantanoi

Is efetus de su Referendum fatu po kannosci su chi ndi pentzat sa genti

1- Sa chistioni posta a Referendum balit candu is votus giaus nendi de 'si' no siant prus pagu de sa magiorantza de is eletoris chi ant votau po is ultimas eletzionis comunalis, chi no su Referendum no balit.

2- Si su risultau est stetiù favorevoli, su Sindigu depit proponi a su Contzillu Comunali, a intru de sessanta diis chi si funtis scipius is risultaus, de deliberai a sus de sa chistioni chi est stetià posta a Referendum.

3- Me in su propriu tempus, si su Referendum no est arranesciu, su Sindigu poit, a su propriu, proponi cun su Contzillu Comunali de deliberai a sus de sa chistioni posta a Referendum.

4- Is regulas po custu tipu de Referendum funtis stabilias me in unu regolamentu fatu a posta, chi poit stabiliu modus prus simplicis arrispetu a is normalis regulas po is votatzionis.

Articulu setanta

Firmas e certificaus

1- Totu is botas chi sa popolatzioni benit tzerriada po votai no ddui est abisongiu de autenticai is firmas, e nimancus ca unu est eletori o rapresentanti legali de una associatzioni o de una cambarada.

2- Su Contzillu Comunali poit disponi cuntrollus a sus de is firmas po bii chi funtis de cussus chi ant firmau e a sus de is personas chi ant firmau.

3- Su fatu chi cuncuna firma no siat balida no fait beni de mancus is efetus de cussas chi funtis giustas.

4- Po su Referendum est domandada sa cumbalida de sa firma.

Articulu setantunu

Sa Consulta de sa bidida de Soanas

1- Po fai cresci e po favoressi s'interessu de sa comunidadi de Soanas, su Comuni fait sa Consulta de Fratzioni.

2- Sa Consulta est nominada de su Contzillu Comunali a tanori de is votus pigaus in Soanas de is Grupus Politicus chi ant pigau pati a is ultimas votatzionis comunalis.

3- Su Sindigu poit giai a una persona chi fait pati de sa Consulta de Fratzioni is incarrigus chi ddi poit giai a su postu suu, bastat chi siat respetada sa lei, e in prus ddi poit giai s'incarrigu de rapresentai e de teni is raportus tra su Comuni e sa Consulta de Fratzioni.

4- Su Contzillu Comunali, assumancus una bota a s'annu, assotit a Soanas po discuti is bisongius de cussa comunidadi.

5- Su Contzillu Comunali fait regulas precisas po decidi is cumpetenzias e su funtzionamentu de sa Consulta.

Articulu setantaduus

Organismus de partecipazioni

1- Point essi fatas Consultas de Setori cun su scopu de permiti chi si potzant personas e sogetus economicus-socialis chi traballant in su territoriu de su Comuni po decidi su de fai e comentu ddu fai me in dogna setori de traballu in s'amministratzioni Comunali.

Is consultas de sa bidida point essi fatas in numeru uguali a is setoris aministrativus chi faint capu a cussu Assessorau.

Funtis, comentu si siat, fatas:

- sa Consulta po fai mellus in s'Economia;
- sa Consulta po is problemas socialis;
- sa Consulta po is benis culturalis e de su logu.

Sa Giunta Comunali, a sus de sa proposta fata de dogna Assessori, incarrigat is membrus de is Consultas de setori de sa Bidida. Custus funtis sceberaus in mesu de sa popolatzioni chi

traballat me in su mundu economicu, sociali e culturali e si fait bii po su coidau, po su chi balit, po su chi sciit o po sa importantzia de is cosas de cussas de chi ndi fait is patis. Is Consultas de setori funtis tzerriadas de s'Assessori cumpetenti, assumancus dogna ses mesis e funtis tzerriadas po nai su chi ndi pentzant e po fai propostas a sus de su chi s'est decidiu e a sus de su traballu de s'amministratzioni.

TITULU SETIMU Is Atividades po fai is arregulas

Articulu setantatres Sa Lei po fai is Arregulas

1- Su Comuni fait arregulas pop organizai is traballus, po ddus fai, chi funtis independentis e de delegificatzioni:

- a- a sus de s'organizazioni sua;
- b- po is cosas a issu intregadas de sa Lei e de su Statutu;
- c- po is cosas innui fait funtzionis suas.

2- Me in is cosas de cumpetentzia de issu sceti scritas de is leis, sa podestadi de fai is arregulas est fata in respetu de su chi narant is leis atotu, de su chi narat su Statutu e de is arregulas chi narat sa Comunitadi Europea.

3- Me in is atras cosas sa podestadi de fai is arregulas si fait in respetu de is leis de su Stadu, de sa Regioni, de cussas de sa Comunitadi Europea e fintzas de is regulamentus fatus de is sogetus chi tenint cumpetentzia comenti de issus me in is cosas chi kannoscint.

4- Is Regolamentus chi tenint dispositzionis capatzis de fai dannu a sus de is positzionis giuridicas sogetivas de sa genti, point essi sutapostus a giustas formas de consultatzioni prima de essi aprovau de su Contzillu Comunali.

5- Po chi unu atu generali potzat essi balidu comenti de Regolamentu depit potai sa intestatzioni de issu.

6- Is atus deliberativus depint essi fatus in arrispetu de is leis de su Regolamentu.

7- Is Regolamentus, frimu abarrendi s'obligu de poni a s'albu sa deliberatzioni chi ddus at aprovaus, si point applicai a pustis de bindighi diis chi funtis steti publicaus in s'albu pretoriu, e custu si fait a pustis chi sa deliberatzioni est diventada esecutiva.

Articulu setantacuatu
Sa podestadi de podi poni cuntraventzionis

1- Su Comuni, cun Regolamentu fatu de issu, stabilit su tantu de is cuntraventzionis de applicai candu non s'arrispetat su chi narant is Regolamentus e is Ordinantzas, candu sa Lei no diponit in atra manera.

Articulu setantacincu
Su chi depit fai su Contzillu po applicai is arregulas

1- Spetat a su Contzillu Comunali de giai is dispositzionis po podi applicai, candu intrant in vigori is normativas fatas de su Stadu, de sa Regioni e de sa Comunitadi Europea fendi comentis chi siant de issu, aggualendi e adatendi a totus is arregulas de su Comuni is dispositzionis noas, e in modu speciali po is cosas chi funtis de cumpetentzia sceti de su Comuni.

2- Is Regulas depint essi fatas, in rispetu de is principius generalis chi funtis in sa Constitutzioni in su D.Lgs.267/00 de su 18/03/2000 T.U.E.L. e me in is dispositzionis chi funtis scritas me in is atras leis e in su Statutu atotu.

Articulu setantases
Ordinantzas

1- Su Sindigu poit fai atus e cun custus poit stabili is dispositzionis po fai e po applicai is normas de sa Lei e de is Regolamentus.

2- Is Ordinantzas po is Traballus Publicus e de Urbanistica funtis fatas de su Responsabili de sa parti tecnica.

3- Sa scrittura de is Ordinantzas de Circustantzia e Urgentis chi funtis in su Comma 2 de s'Art.54 de su D.Lgs. 267/00 de su 18/08/2000 T.U.E.L., depint essi in su propriu modu motivadas e depint bali sceti po su tempus chi durat sa necessidadi.

4- Is Ordinanzas de is chistionis de prima, depint essi postas in s'albu pretoriu po assumancus degli diis. Candu balint sceti po genti cannota depint essi intimadas diretamenti a custus.

Articulu setantaseti Publicidadi

1- Su Statutu, is Regolamentus, is Ordinanzas e fintzas is diretivas, is programmas, is istruzionis, is circularis de dogna atu chi disponit a sus de s'organizazioni, a sus de is funtzionis, a sus de is cosas chi depint fai, a sus de su chi fait su Comuni, o me in cussus de innui si stabilit comentis funtis is arregulas giuridicas o si giaint inditus po comentis si depint aplicai, in prus de custus modus giai naus po ddus fai cannosci, chi funtis giai naus e scritus in sa Lei e in su Statutu, depint essi fatas cannosci totus in modu simplici a totu sa popolazioni e a chi si siat ndi tengiat interessu. Is atus scritus prima, ddus depint podi legi totus.

Articulu setantotu Sa possibilidadi de giai is incarrigus a una atra persona

Bogadas is cumpetenzias diretamenti giadas de su D.Lgs.267/00 de su 18/08/2000 T.U.E.L. o de su Statutu chi no si point incarrigai a is atrus, cussus chi tenint cumpetenzias proprias ddas point fai giendi in totu o in pati s'incarriguinsoru a atras personas.

1- Su chi giait s'incarrigu tenit sa podestadi de nai comentis fai su traballu e de cuntrollai su chi fait custa persona incarrigada de issu.

2- No ddui poit essi delega tra is organus eletivus e cussus burocraticus. (CASSARE)

Articulu setantanoi Parrimentus - Su chi ndi pentzat una persona

1- Su chi ndi pentzat su tecnicu, su chi fait is contus, est unu agiudu po s'atividadi de su Comuni.

2- Su parri contrariu depit amostai, candu si poit, strumentus e maneras diversas de su traballu amministrativu chi point fai oteni a su Comuni is cosas chi ant decidiu e chi su documentu, a sus de su cali est stetiu giau parri contrariu, intendiat potai a innantis.

Articulu otanta

Dichiaratzioni ca su dinai bastat po is spesas

1- Is provedimentus chi abisongiant de impegnus de ispesa no point essi pigaus, siat de pati de is organus collegialis che de pati de una persona sceti, chentza de assegurai ca ddui est su dinai de pati de su responsabilis de su Servitziu Finanziariu. Chentza de custa asseguratzioni s'atu no balit a nudda.

Articulu otantunu

Regolamentu de is cuntratus

1- Su Comuni arregulat s'atividadi sua po fai is cuntratus cun unu Regolamentu fatu a posta.

PARTI PRIMA.

Finantza, Contabilidadi e Revisioni.

Articulu otantaduus.

Possibilidadi de teni su dinai chi srebit.

1- Candu su Comuni tenit, comenti narat sa Lei, su dinai chi srebit, custu stabilit sa cantidadi e narat comenti e cantu depint giai in dinai cussus chi si srebint de is servitzius, po sa spesa chi si depit fai.

2- Su calculu de custu dinai de giai, depit essi fatu tenendi contu de sa richesa o poboresa de sa genti chi s srebit de is servitzius de su Comuni.

3- In arrispetu de is regulas chi balint in su momentu, casu mai si fetzant operas e atividadis chi point giai brofetu a una persona sceti, a troperas o a categorias istabilias de prima, si depint pentzai modus diversus de giai su dinai a su Comuni a segundu su brofetu chi s'otenit.

4- Is intradas chi srebint po fai is operas, interventus o atras istitutzionis e po fai is servitzius point essi agatadas fintzas gratzias a su chi giaiit sa genti de voluntadi sua, una tantum o giadas dogna tantu.

5- Cun decisioni de s'Ofitziu cumpetenti benit stabilia sa cantidadi prus pitia de is intradas de agatai, giadas de sa genti de voluntadi sua, poita si fetzant is operas chi si depint fai e si fetzant funtzionai is servitzius.

Articulu otentatres Diritus de su contribuenti

1- Su Comuni arrispetat is diritus de su contribuenti (sa persona chi pagat is pagamentas) e in modu speciali cussus de podi cannosci su chi fait su Comuni e de fai in modu simplici is cosas de fai.

2- Candu si faint is arregulas po is pagamentas su Comuni ddas depit fai in modu craru, no ddas depit applicai po is cosas passadas e po custas pagamentas applicat principius de agiudu e de bona fidi e de fai is cosas beni.

3- Su Regolamentu po is intradas assigurat is diritus de sa genti chi pagat is pagamentas.

Articulu otantacuatu Controllu a sus de sa contabilidadi de su Comuni

1- In arrispetu de su chi narat s'ordinamentu finantziariu e de sa contabilidadi, po permiti su cuntrollu economicu a sus de su traballu e su cuntrollu a sus de su chi s'otenit cun su chi fait su Comuni, su Bilanciu de Previsioni, su Contu Consuntivu e is atrus documentus contabilis depint essi scritus de modu podi legi beni is programas, is progetus, is servitzius e is cosas chi si cherint fai.

2- In su Regolamentu de contabilidadi ant a depi essi pentzaus e scritus modus de cuntrollu e de apretziamentu, signalis e misuras e fintzas scrituras contabilis chi acunsentant prus de su cuntrollu a sus de su dinai spendiu po fai funtzionai su Bilanciu, su chi costant is servitzius, si funtis stetias usadas beni is connoscentzias de is personas e sa richesa de s'azienda, su cuntrollu de is risultaus otenius rispetu a su chi si pentzat, bidendi is motivus chi no ant permiu de oteni su chi si sperat e comentu si depit fai po impedi custus motivus.

3- A sus de is criterius e de is modus de cuntrollu sceberaus in su regolamentu de sa contabilidadi, is funtzionarius responsabilis de is Servitzius depint, de tantu in tantu, contai a su Diretori Generali a sus de comentu andant is servitzius e is atividadis chi issus faint castiendi is efetus e si totu est steti fatu cun arrispramiu.

4- Su Contzillu Comunali, po cannosci s'andamentu de su Bilanciu e is spesas de su Comuni, poit domandai informatzionis e proostas a sa Giuta Comunali, a is Revisoris de is Contus, a su Segretariu e a is Funtzionarius responsabilis de is Servitzius. Custas informatzionis ant a podi tratai a sus de comentis fai funtzionai is atividadis e de dogna atru documentu giendi coidu a comentis funtis organizaus e fatus is servitzius e in cali stadu funtis ancora is cosas de fai.

Articulu otantacincu Revisoris de is Contus

1- Su Collegiu de is Revisoris de is Contus est eligiu de su Contzillu Comunali fendi una votazioni sceti. Est nominau Presidenti su Revisori chi at pigau prus votus.

2- Su Regolamentu de sa Contabilidadi depit arregulai s'organizazioni e comentis depit funtzionai s'Ofitziu de is Revisoris de is Contus, sceberendi is modus de cuntrollu po fai beni, de proostas e de garantzia. Depint essi pura pentzadas is maneras chi assegurant is modus po si cumprendi tra issus e cussus po s'agiudai tra is Organus Politicus e Burocraticus de su Comuni e de is Revisoris.

Articulu otantases Su Regolamentu de sa Contabilidadi

1- Su Comuni aprovat su Regolamentu de sa Contabilidadi in arrispetu de su chhi est nau in custu Capo 1 e de su chi narant is arregulas postas de su Stadu po is spesas e po sa contabilidadi.

Articulu otantaseti Responsabilidadi contra a tertzus

1- Is Aministradoris e is impiegaus comunalis chi, fendi is traballus insoru, intregaus a issus de is Leis e de is Regolamentus, faint dannu a atras personas, funtis issus atotu obligaus a torrai su dinai.

2- Candu su Comuni at giavu issu a sa persona chi at tentu su dannu, sa summa po su dannu fatu de s'Aministradori o de s'impiegau si fait torrai su dinai de is dependentis, comentis narat su primu comma de custu articulu.

3- Est unu dannu chi no est giustu, comenti narat su Comma 1, cussu chi suntzedid candu no s'arrispetant is diritus de is personas chi s'Aministradori o s'impiegau at fatu po imbrogliu o po crupa gravi; abarrant frimas is responsabilidadi prus mannas chi funtis scritas me in is Leis chi balint in su momentu.

4- Sa responsabilidadi propria de issu Aministradori o de s'impiegau abarrat siat candu no s'arrispetant is diritus de sa persona, siat candu dipendit de atus o de decisionis pigadas a sa propriu manera, candu no s'arrispetant is diritus po ai scaresciu is cosas de fai o poita funtis stetias fatas tropu tradu, cosas chi s'Aministradori o s'impiegau funtis obligaus a fai de sa Lei o de su Regolamentou.

5- Candu no si rispetat su diritu de sa persona po atus o cosas fatas de is organus collegialis de su Comuni, custus funtis responsabilis, in paris cun su Presidenti e is membrus de su collegiu chi ant fatu s'atu o is cosas non giustas. Sa reponsabilidadi no esistit po cussus chi ant nau cun su votu ca fiant contrarius.

6- Is Aministradoris Comunalis, su Segretariu-Diretori, s'Abogau de su Comuni e is Responsabilis de is Servitzius point essi assigraus po is dannus chi point fai, chentza de imbrogli, a is personas o a su Comuni, candu funtis fendi su traballu insoru.

Articulu otantotu

Su chi unu pentzat a sus de is propostas de deliberatzioni

1- Is Diretoris de is Servitzius funtis responsabilis, e ndi arrispondint a su Comuni, de is contzillus chi giaint a sus de is cosas de fai chi depint essi giustas.

2- Su Responsabili de is Servitzius Finanziarius ndi arrispondit, paghendi in dinai si at sbagliau, de is contzillus chi at giâu po fai sa contabilidadi de su Comuni in arregula.

3- Su Segretariu Comunali est responsabili de is atus e de is modus de aplicai is deliberatzionis de su Contzillu Comunali e de sa Giunta Comunali.

4- Is Responsabilis de is Servitzius chi narant su chi pentzant a sus de is atus de su Comuni, funtis responsabili de su chi ant nau.

PARTI SEGUNDA
Su Difenditori Civicu

Articulu otantanoi
S'incarrigu a su Difenditori Civicu

1- In su Comuni ddui depit essi s'Ofitziu de su Difenditori Civicu chi depit assegurai su bonu andamentu de su traballu, chi siat fatu chentza de pratzialidadi in tempus de beni.

Articulu noranta
S'elezioni de su Difenditori Civicu

1- Su Difenditori Civicu est eligiu cun deliberatzioni de su Contzillu Comunali cun is votus de duus tertzus de is Contzilleris.

2- Sa votazioni si fait cun su votu segretu.

3- Si Difenditori Civicu depit teni is titulus po essi eligiu e de cumpatibidadi cun sa carriga de Contzilleri Comunali e sceberau in mesu a sa genti chi po conoscentzia e esperientzia gieant sa massima garantzia de indipendentzia, de giustitzia, de assussegu de giuditziu e cumpetentzia me in is Leis e in s'amministratzioni.

4- S'incarrigu de Difenditori Civicu no poit essi giâu in paris a nisciunu atru incarrigu eletivu publicu o me in is partidus politicus o si esistit cali si siat raportu cun s'amministratzioni Comunali.

5- Custa incompatibidadi esistenti prima o bennia a pustis de s'incarrigu potat a lassai subitu s'Ofitziu, comenti a su propriu si unu si ponit me in is listas po is eletzionis.

Articulu norantunu
Durada de s'incarrigu e abolidura de su Difenditori Civicu

1- Si Difenditori Civicu durat in carriga cantu su Contzillu Comunali chi ddu at eligiu e poit essi eligiu de nou a pustis de unu trassu de tempus de assumancus cincu annus e po una bota sceti.

2- S'incarrigu de su Dinfinditori Civicu est allonghiau fintzas a s'intrada in carriga de su chi est steti eligiu a pustis.

3- Su Difenditori Civicu poit essi aboliu, cun deliberatzioni de su Contzillu Comunali de pigai cun is votus de $\frac{3}{4}$ de is Contzilleris de su Comuni, po motivus meda gravis suntzedius fendi su traballu suu.

Articulu norantaduus
Su chi fait su Difenditori Civicu

1- A domanda de chi si bollat ddui tengiat interessu, su Difenditori Civicu intervenit me in s'amministratzioni Comunali, me in is Entis e is Aziendas chi dipendint de issa po assigurai chi su traballu amministrativu siat fatu in modu regulari e chi is atus siant fatus in su modu e in su tempus giustu.

2- Fendi su traballu suu, su Difenditori Civicu biit chi ddui funtis cosas fatas mali, discooidus e istentus, apretziendi po is chistionis postas a issu fintzas cantu arrispundint a is arregulas de una amministratzioni fata beni e inditat ia arrimediis po no fai prus is cosas sbaliadas.

3- Su Difenditori Civicu poit intervenni fintzas, a bidea de issu, po chistionis de gravidadi manna chi ddi siant comentis si siat nodias.

Articulu norantatres
Comentis ddu fait

1- Is personas chi tenit una pratica abeta o tenint interessu a unu procedimentu amministrativu abetu cun s'amministratzioni de su Comuni o is Entis e is Aziendas chi de issa dipendint, point domandai chi siant difendius de su Difenditori Civicu.

2- Su Difenditori Civicu poit fai beni diretamenti is funtzionarius chi tenint sa responsabilidadi de sa chistioni chi depint castiai, giendi avisu a su Responsabili de su Servitziu o a s'Ofitziu de innui dipendint e cun issus poit procedi a castiai sa pratica o su procedimentu.

3- Candu fait custu cuntrollu su Difenditori Civicu stabilit, tenendi contu de is esigentzias de servitziu, su tempus chi ddui cherit po acabai sa pratica o su procedimentu, giendi illegus novas a sa persona interessada, e po connoscentzia a su Sindigu e a su Segretariu Comunali.

4- Su Difenditori Civicu tenit diritu de oteni de s'amministratzioni Comunali e de is Entis e is Aziendas scritus in su comma 1, copias de is atus e de is documentus e cali si siat nova

arribada po is chistionis tratadas, e depit denuntziai a su Sindigu is funtzionarius chi no ddi faint fai o ddu faint trigai fendi su traballu suu.

5- Su Difenditori Civicu fait cannosci a su Sindigu e a su Diretori cussus chi no ant arrispetau is Regolamentus. Candu su Sindigu e su Diretori cunsiderant de no depi pigai provedimentus, ndi arrelatant a su Contzillu Comunali fendi una riunioni segreta.

6- Su Difenditori Civicu no poit interveni a sus de is fatus me innui ddu siat impreada sa Giustitzia.

Articulu norantacuatu Relatzioni a su Contzillu Comunali

1- Su Difenditori Civicu mandat a su Contzillu Comunali a intru de su 31 de Mratzu de dogna annu, sa relatzioni a sus de su traballu fatu s'annu passau, fendi bii is cosas de innui funtis suntzedius arritradus e cosas non giustas, fait osservatzionis e giarit inditus.

2- Su Contzillu Comunali a pustis de ai castiau sa relatzioni, pigat is decisionis chi ddi cumpetint e chi cunsiderat giustas.

Articulu norantacincu Strumentus de su Difenditori Civicu

1- Su Contzillu Comunali stabilit cun deliberatzioni de issu, a pustis de ai ascutau su Difenditori Civicu, su logu, su numeru de is impiegaus e comenti sistemai su personali, fintzas a su tempus stabiliu cun atrus traballus. Su personali po s'Ofitziu de su Difenditori Civicu est stabiliu cun delibera de sa Giunta.

2- Su personali giiau a su Difenditori Civicu est sceberau in mesu de is impiegaus comunalis e po cussu chi depint fai dependint de issu.

3- Totu su chi srebit, is mobilis e is fruimentus funtis giiaus a su Difenditori Civicu chi giarit s'incarrigu de ddus teni a unu de is impiegaus de s'Ofitziu suu.

4- Is spesas po su funtzionamentu funtis calculadas, fintzas a sus de sa proposta de su Difenditori Civicu, e fatas comenti narant is arregulas de s'ordinamentu chi est in funtzioni.

Articulu norantases
Pagamentu de su traballu

1- A su Difendidori Civicu est giada una paga po su traballu suu; su dinai chi s'rebit est stabiliu dogn'annu de pati de su Contzillu Comunali.

PARTI TERTZA
Ultimas dispositzionis

Articulu norantaseti
Intrada in vigori

1- A pustis de ai fatu su cuntrollu de pati de sa Regioni (CASSATO) custu Statutu est publicau in su Bolletinu Ufficiali de sa Regioni, postu in s'Albu Pretoriu de su Comuni po trinta diis de sighiu e mandau a su Ministeru de s'Internu po essi postu in s'elencu ufficiali de is Statutus.

2- Custu Statutu intrat in vigori trinta diis a pustis de essi steti publicau in su Bolletinu Ufficiali de sa Regioni.

3- Su chi disponit custu articulu si depit aplicai pura a is cambiamentus de su Statutu.

PARTI CUARTA
Dispositzionis transitorias

Articulu norantotu
Candu no si publicant is Regolamentus

1- Su fatu chi no si publichint is Regolamentus chi depint essi in custu Statutu no poit mai potai a negai sa facultadi e is diritus de is personas.

2- Aspetendi chi si publichint is Regolamentus si fait su chi narant is arregulas esistentis.

INDICE SISTEMATICU

Pagina	Titolo
1	TITULU PRIMU – PRINCIPIUS GENERALIS
2	PARTI PRIMA - Is Comunitatis. Articulu unu – Is biddas de Crabas e de Soanas. Articulu duus – Is abitantis de sa bidda de Crabas e de sa bidda de Soanas.
3	Articulu tres – Apartenentzia de sa bidda de Crabas e de Soanas. Sa Limba Sarda. Articulu cuatru – Is principius de sa Comunitadi.
3	PARTI SEGUNDA – Su Comuni. Articulu cincu – Su Comuni.
4	Articulu ses – In cai Limba funtis scritus is Atus Comunalis. Articulu seti – Su Logu.
5	Articulu otu – Is nominis de is Addas e de is Arrugas. Articulu noni – Sa Domu. Su Stemma. Su Gonfaloni.
6	Articulu degghi – Is doveris de su Comuni.
7	TITULU SEGUNDU – COMENTI EST FATU SU COMUNI Articulu undighi – Ofitzius de su Comuni.
8	Articulu doighi – Su Contzillu. Articulu treighi – Membrus de su Contzillu.
9	Articulu batodighi – Su Presidenti de su Contzillu. Articulu bindighi – Contzilleris Comunalis.
11	Articulu seighi – Grupus de su Contzillu. Articulu degaseti – Sessionis de su Contzillu.
12	Articulu deghiotu – Comissionis.
13	Articulu degannoni – Sa Giunta Comunali.
14	Articulu binti – Deliberatzionis de urgentza de sa Giunta Comunali.
15	Articulu bintunu – Comenti est fata sa Giunta Comunali.
16	Articulu bintiduus – Is Assessoris.

INDICE SISTEMATICU

- 16 Articulū bintitres – Cumpetentzias.
- 17 Articulū binticuattru – Su Sindigu.
- 18 Articulū binticincu – Giuramentu e Distintivu.
Articulū bintises – Cumpetentzias de su Sindigu.
- 20 Articulū bintiseti – Su Vicesindigu.
Articulū bintotu – Doveris de su Sindigu me in is Servitzius de cumpetentzia de su Stadu.
- 22 TITULU TERTZU – COMENTI EST ORDINAU SU COMUNI PO
S'AMMINISTRATZIONI
PARTI PRIMA – Organus Burocraticus.
Articulū bintinoni - S'amministratzioni Comunali.
Articulū trinta – Comenti funtis organizaus is Ofitzius e is impiegaus chi ddui traballant.
- 23 Articulū trintunu – Comenti funtis arregolaus is Ofitzius e is Servitzius.
Articulū trintaduu – Diritus e doveris de is impiegaus comunalis.
- 24 PARTI SEGUNDA – Su Personali Diretivu.
Articulū trintatres – Su Diretori Generali.
Articulū trintacuattru – Su chi depit fai su Diretori Generali.
- 25 Articulū trintacincu – Funtzionis de su Diretori Generali.
Articulū trintases – Is Responsabilis de is Ofitzius e de is Servitzius.
- 26 Articulū trintaseti – Compitus chi spetant a is Responsabilis de is Ofitzius e de is Servitzius.
- 27 TITULU TERTZU – PRINCIPIUS STRUTURALIS E ORGANIZATIVUS
Articulū trintotu – Comenti est s'organizatzioni de is Ofitzius e de is impiegaus.
- 28 Articulū trintanoni – Su Segretariu Comunali. Principius e Arregulas po su traballu suu.
Articulū coranta – Su chi depit fai.
- 30 Articulū corantunu – Responsabilidadis.
- 31 Articulū corantaduu – Responsabilidadis contra a tertzus.

INDICE SISTEMATICU

- Articulu corantatres – Responsabilidadi de is contabilis.
- 32 TITULU CUARTU – ISA ATIVIDADIS DE S'AMMINISTRATZIONI
- Articulu corantacuatu – Is obietivus de s'atividadi amministrativa.
- Articulu corantacincu – Is Servitzius Publicus de su Comuni.
- Articulu corantases – Maneras de fai funtzionai is Servitzius Publicus.
- 34 Articulu corantaseti – Aziendas specialis.
- Articulu corantotu – Comenti funtis fatas is Aziendas Specialis.
- 35 Articulu corantanoi – Is Istituzionis.
- Articulu cinquanta – Societatis Po Atzionis o a Responsabilitadi Limitada.
- 36 Articulu cincuantunu – Conventzionis.
- Articulu cincuantaduus – Consortzius.
- 37 Articulu cincuantatres – Acodrius a sus de is cosas de fai.
- 37 TITULU CUINTU – DIRITU DE PODI CASTIAI IS DOCUMENTUS E DE PODI OTENI INFORMATZIONIS
- Articulu cincuantacuatu – Diritu de podi castiai is documentus e de podi oteni informatzionis.
- 38 Articulu cincuantacincu – Diritu de podi castiai e de oteni informatzionis de pati de is Contzilleris.
- 39 Articulu cincuantases – Diritu de podi castiai is Atus de pati de sa popolatzioni.
- Articulu cincuantaseti – Albu Pretoriu.
- 40 Articulu cincuantotu – Publicidadi in prus po fai cannosci su chi fait su Comuni.
- Articulu cincuantanoi – Comenti fai cannosci e arrispetai is interessus e is diritus de sa genti.
- 41 TITULU SESTU – COMENTI EST S'ORDINAMENTU ISTITUTZIONALI DE SU COMUNI
- Articulu sessanta – Is doveris de is rapresentantis de su Comuni.
- Articulu sessantunu – Abolizioni de is rapresentantis.

INDICE SISTEMATICU

- 42 PARTI PRIMA – Istitutus de partecipazioni.
Articulu sessantaduus – Comenti poit partecipai sa genti.
Articulu sessantatres – Su chi point fai is associatzionis.
- 43 Articulu sessantacuatu – Is Organismus chi depint controllai comenti fai is Servitzius.
Articulu sessantacincu – Diritus de podi fai demandas scritas e de podi interrogai.
Articulu sessantases – Diritu de proposta.
- 44 Articulu sessantaseti – Diritu de riunioni.
Articulu sessantotu – Referendum.
Articulu sessantanoi – Is efetus de su Referendum fatu po cannosci su chi ndi pentzat sa genti.
Articulu setanta – Firmas e certificaus.
- 46 Articulu setantunu – Sa Consulta de sa bidda de Soanas.
Articulu setantaduus – Organismus de Partecipazioni.
- 47 TITULU SETIMU – IS ATIVIDADIS PO FAI IS ARREGULAS
Articulu setantatres – Sa Lei po fai is arregulas.
- 48 Articulu setantacuatu – Sa podestadi de podi poni contraventzionis.
Articulu setantacincu – Su chi depit fai su Contzillu po aplicai is arregulas.
Articulu setantases – Ordinanzas.
- 49 Articulu setantaseti – Publicidadi.
Articulu setantotu – Sa possibilitadi de giai is incarrigus a una atra persona.
Articulu setantanoi – Parrimentus. Su chi ndi pentzat una persona.
- 50 Articulu otanta – Dichiatatzioni ca su dinai bastat po is spesas.
Articulu otantunu – Regolamentu de is cuntratus.
- 50 PARTI PRIMA – Finantza, contabilidadi e revisioni.
Articulu otantaduus – Possibilitadi de teni su dinai chi srebit.
- 51 Articulu otantatres – Diritus de su contribuenti.
Articulu otantacuatu – Cuntrollu a sus de sa contabilidadi de su Comuni.

INDICE SISTEMATICU

- 52 Articulù otantacincù – Revisoris de is Contus.
 Articulù otantases – Su Regolamentu de sa Contabilidadi.
 Articulù otantaseti – Responsabilidadi contra a tertzus.
- 53 Articulù otantotu – Su chi unu pentzat a sus de is propostas de deliberatzioni.
- 54 PARTI SEGUNDA – Su Difenditori Civicu.
 Articulù otantanoi – S'incarrigu a su Difenditori Civicu.
 Articulù noranta – S'eletzioni de su Difenditori Civicu.
 Articulù norantunu – Durada de s'incarrigu e abolizioni de su Difenditori Civicu.
- 55 Articulù norantaduus – Su chi fait su Difenditori Civicu.
 Articulù norantatres – Comenti ddu fait.
- 56 Articulù norantacuattru – Relatzioni a su Contzillu Comunali.
 Articulù norantacincù – Strumentus de su Difenditori Civicu.
- 57 Articulù norantases – Pagamentu de su traballu.
- 57 PARTI TERTZA – Ultimas dispositzionis.
 Articulù norantaseti – Intrada in vigori.
- 57 PARTI CUARTA – Dispositzionis transitorias.
 Articulù norantotu – Candu non si publicant is Regolamentus.
- 58 INDICE SISTEMATICU